

**Combustibel
ta baha awe
un fiki di prijs
na Aruba**

**Pa e 25 aniversario di trabao na
bienestar di Aruba**

**Minister Maduro di Finansa
a brinda Fitch Ratings un
aprecio**



ORANJESTAD (AAN): Na comienso di februari Minister Maduro di Finansa a ricibi bishita di Fitch Ratings cu cual compania Gobierno di Aruba ta trahando ya pa 25 aña.

Pa conmemora e aniversario aki di trabao, Minister Maduro di Finansa a brinda e ehecutivonan di Fitch un pida bolo preto manera ta nos custumber Arubiano ora di celebra un aniversario importante.

E mandatario den presencia di e ekipo di Departamento di Finansa a gradici Fitch Ratings pa e 25 aniversario di trabao na bienestar di Pais Aruba.

Minister Maduro di Finansa a haci uzo di e oportunidad tambe pa gradici e ehecutivonan di Fitch Ratings pa e bon relacion di trabao hiba e ultimo 7 aña cu e mandatario tabata encarga cu e cartera di finansa pa Aruba. Tabata un periodo den cual Aruba a pasa den menos bon tempo di un pandemia y den bon tempo di un recuperacion grandi riba e tereno di finansa publico.

Na final di e encuentro, Minister Maduro a expresa cu e tin tur confianza cu na fin di su mandato, Aruba lo por bay conta atrobe cu un grado di inversion cerca Fitch Ratings manera tabata na varios ocasion durante e 25 añanan tras di lomba.

Misterio di presupuesto 2025 cu a desaparece ta bay rementa den Reino

Promesa 700 Florin a pega den Ley di Contabilidad!

**Desesperacion a conduci na aumento di pensioen prome cu formacion*

Veld di SV Dakota a ricibi luznan LED ultra briyante



ORANJESTAD (AAN): Ministro Dangui Oduber tabata presente durante un anochi special riba tereno di bala di SV Dakota, ora cu directiva, coach, hungado, famia, y fanaticonan di e ekipo a presencia e iluminacion oficial di e luznan LED ultra briyante y moderno aki.

Por a mira presencia di Parlamentarionan Endy Croes, Hendrik Tevreden, y diferente ciudadano cu a yega cerca pa e momento special aki.

Ministro Oduber a indica cu pronto e veld lo bay haya Turf Artificial tambe, cu lo completa e bunita proyecto aki, cu ta nifica cu un soño ta bira realidad. Oduber na final a indica cu Gabinete Wever-Croes II a priminti y cumpli.

Parlamentario Otmar Oduber, fraccion PPA:

Contento cu di manera unanime a pasa mocion pa den presupuesto atende cu e mancamento den KPA

• Por ehempel, na KPA no tin Psicologo ni tin Hurista

ORANJESTAD (AAN) — Parlamentario Otmar Oduber, lider di fraccion di PPA, den conferencia di prensa, den cuadro di e reunion publico cu tabatin cu e Comision Fiho di Husticia, Korpschef Arnhem, KPA y SPA dos siman pasa, (tocante e caso di tiramento) di cual no por papia di loke a sosode y cu a wordo presenta den e Comision Fiho, a cuestiona e actitud di “mi no sa” “nos no sa” pasobra semper Parlamento a wordo trata asina.

Oduber a subraya cu nunca a mira Parlamento como Instituto cu di berdad por haci un diferencia.

“Y mi a compromete cu tanto SPA como Alto Mando Policial, e Parlamento aki cu fraccion di PPA, lo mira



cambianan drastico den e forma di opera den nos Parlamento, y nos a logr’e tambe. Pesey mi kier gradici den e caso aki, e di dos parti di e reunion permanente aki cu tabata tin dos siman pasa cu Cuerpo Policial y SPA, a produci e documento cu nos tin riba mesa na e momentonan aki, cu nos no a ricibi for di gobierno.

Di tur e preguntanan

cu nos a haci no a wordo produci anteriormente, ni pa e organizacion di Cuerpo Policial y e ta desenmascara hopi cos, sin punta dede den direccion di ni un hende, pero ta desenmascara un cantidad di accion cu mester tuma lugar, si nos kier pa nos Cuerpo Policial di berdad funciona manera cu nan merece y cu nan mester funciona y pueblo ta

expect tambe di KPA pa nan funciona”, Otmar Oduber a señala.

El a reitera cu e ta contento cu a base di esaki a logra den e reunion publico siman pasa, despues di hopi tempo, cu cuater fraccion den Parlamento, na un forma unanime, a sostene e mocion di e fraccion di PPA. “Unda nos ta atende na un forma serio, cu atencion, tur informacion cu a bin dilanti den e reunion cu tabata tin cu SPA y cu Alto Mando Policial, den cual nos a haya un mocion, cu practicamente ta pone tambe tur fraccion, incluyendo esnan cu ta forma gobierno, y esnan cu ta den gobierno na e momentonan aki, cu ta bisa cu den e tratamiento di e presupuesto aki nos a pidi pa accionnan wordo tuma pa loke

ta trata e seriedad di cual nos mester tuma e mancamento cu tin den nos Cuerpo Policial”, Otmar Oduber, lider di PPA, a vocifera.

El a splica cu ora di papia di mancamento, ta cu simplemente no tin presencia, por ehemplo, di psicologo den KPA. “Ta suppose di tin psicologo in house, pero no tin! Bo ta atende cu un aparato y personanan cu tur dia ta pone nan bida na peligro, tur dia nan ta expone nan mes, nan ta haya den situacionnan social dificil, personal-emocional, imagina boso cu no tin un persona cu por atende cu nan pa añanan caba! No tin un hurista den KPA, di cuater vacatura cu tin pa hurista den Cuerpo Policial” Parlamentario Otmar Oduber a señala.

Problema cu waya di coriente a laga area di Yamanota sin electricidad

ORANJESTAD (AAN): Tabata Dialuna anochi poco despues di bahada di solo, cu habitantenan den area di Yamanota, Maria Maai, Bringamosa a sinti cu coriente a bay.

E interrupcion di coriente aki a pone cu personal di NV Elmar a mobiliza pa e area pa asina mira kico a ocasiona esaki, y si lo por localiza e fuente di blackout.

A bin nota cu tin problema cu wayanan di coriente di voltahe halto. Unabes cu a descubri esey, nan por a isola e problema, pa asina e otro areanan a haya coriente. E ora numan nan por



cuminza traha pa drecha e problema.

Mester a haci reparacion na wayanan di coriente, y poco despues di 8:00 pmesaki a keda cla. Despues di un revision chikito, ya pa 8:07 a duna tur area eybanda coriente bek.



AANKONDIGING

Bij exploit van mij, Josefin P. Locadia, deurwaarder voor burgerlijke zaken bij het Gemeenschappelijk Hof van Justitie van Aruba, Curaçao, Sint-Maarten, Bonaire, Sint Eustatius en Saba, en bij het Gerecht in Eerste Aanleg van Aruba, van **7 maart 2025** waarvan een afschrift is gelaten aan de Directeur van het DWJZ in Aruba, die het origineel hiervan voor GEZIEN heeft getekend, is **Valentina BILBAO VAN DER BIEST**, zonder bekende woon- of verblijfplaats in Aruba,

OPGEROEPEN:

Om op **woensdag, 18 juni 2025 des voormiddags om 08:30 uur** of voor de rechtsdag, zij **schriftelijk** op het verzoekschrift kan antwoorden via e-mail: woensdaghandelsrolaua@caribjustitia.org, (AUA202200330 AR) teneinde op het door **Mauro Michele CASCARANO RISPETTI** ingediend verzoek te worden gehoord, welke domicilie kiezende te Spinozastraat nr. 3 in Aruba ten kantore van mr. N.S. Gravenstijn

Josefin P. Locadia,
Gerechtsdeurwaarder.
588-1700



AANKONDIGING

Bij exploit van mij, Josefin P. Locadia, deurwaarder voor burgerlijke zaken bij het Gemeenschappelijk Hof van Justitie van Aruba, Curaçao, Sint Maarten, Bonaire, Sint Eustatius en Saba, en bij het Gerecht in Eerste Aanleg van Aruba, van **7 maart 2025** waarvan een afschrift is gelaten aan de Directeur van het DWJZ in Aruba, die het origineel hiervan voor GEZIEN heeft getekend, zijn **DE ERVEN VAN BOYSY JACOBO FEDERICO CROES**, zonder bekende woon- of verblijfplaats in Aruba, **OPGEROEPEN** om op **woensdag, 25 juni 2025 des voormiddags om 08:30 uur** of voor de rechtsdag, zij **schriftelijk** op het verzoekschrift kan antwoorden via e-mail: woensdaghandelsrolaua@caribjustitia.org, teneinde op het door **Marilyn L. HASSEL, Carol Y. HASSELL, Audrey C. HASSELL, Ricardo QUINTANA, Antonio QUINTANA, Mario F. CROES, Mariotino CROES, Mariosky CROES, Marjorie CROES, Estrellita RAS v/w CROES en Helmut DERKSEN**, ingediend verzoek te worden gehoord, welke domicilie kiezende ten kantore van advocaat mr. D.G. Kock

Josefin P. Locadia,
Gerechtsdeurwaarder. (Tel: 588-1700)

Misterio di presupuesto 2025 cu a desaparece ta bay rementa den Reino

Promesa 700 Florin a pega den Ley di Contabilidad!

**Desesperacion a conduci na aumento di pensioen prome cu formacion*

**Mike no tabata tin placa reserva pa paga Reparatie toeslag 700 Florin*

ORANJESTAD (AAN) — Ta a base di e exigencianan di Ley di Contabilidad, cu ta e base di bon gobernacion financiero di Aruba, ta contene e realidad cu Gobierno mester gasta placa a base di un presupuesto, cu ta wordo aproba dor di Parlamento, cu tin e deber pa vigila uzo di placa di e pagador di belasting mientras cu Reino tin e deber hancra den Statuut, pa asegura gobernacion na bienestar di e ciudadano Hulandes, cu e Arubiano ta.

Pa por a informa Pueblo di Aruba debidamente, kico ta pasando cu formacion di un Gobierno nobo y pakico te awe no tin resultado pero mas bien un situacion basta caotico, DIARIO a bay directamente na e Leynan cu ta regla gobernacion di e pais y tambe na e exigencianan di supervision Hulandes, cu ta garantiza cu e Arubiano ainda por come despues di e gobernacionnan di Mike Eman.

Pakico awe Aruba ainda no tin un Gobierno? Pa comprende esaki no mester bay busca un contesta den e sala di Parlamento, caminda segun Ley decisionnan ta wordo tuma pa mara Pueblo na un gobernacion. Den e caso aki, mester bay en busca di e ansia politico di Mike Eman pa dirigi un Gobierno, loke ta depende di voto di Pueblo, cu atrobe durante e campaña di Mike Eman, a wordo conquista cu e promesa di mas placa pa e grupo di ciudadanonan di edad avanza cu ta depende di pensioen di behez.

E prome di un aumento di pensioen di behez cu 700 Florin na momento cu gobierno Mike Eman bira realidad, a conduci manera por a spera na votonan pa Mike Eman, cu claramente no por a conduci e estudio nan necesario pa a haci e promesa cu el a haci.

Durante ultimo añanan Gobierno Evelyn Wever-Croes, cabalmente a cump-

li cu su deber pa for di December entrega e cifranan pa goberna e pais durante e aña cu ta sigui.

Pa comprende loke a pasa cu Aruba den e ultimo lunanan aki, mester bolbe na e realidad cu Gobierno a base di Ley, ta gasta placa a base di e presupuesto, cu ta e cifranan cu ta muestra cuanto placa lo tin den caha di Gobierno pa goberna e pais.

E cifranan di 2025, e Presupuesto di 2025, a wordo entrega for di December 2024 na Reino Hulandes y tabata contene sumanan cu tabata indica cu Gobierno Wever-Croes a laga placa atras pa garantiza un bon maneho financiero di Aruba y a honra e exigencianan di Reino.

Eleccion a trece cambio di Gobierno. Eleccion a trece Dianan di Fiesta y den tur e desaroyonan aki no a tende mucho di e cifranan cu cual mester goberna Aruba na 2025 y cu tabata suficiente placa.

Mas bien a surgi confusion riba kico a pasa cu e cifranan y hasta por corda cu e actual Presidente di Parlamento tabata tin un confrontacion cu Ministro Maduro di Asuntonan Financiero.

Finalmente e Presupuesto a mira luz y mester a wordo trata den Parlamento, caminda Mike Eman cu hunto cu Gerlien Croes mester forma un Gobierno, a anuncia cu e ta cambia e cifranan aki pa inclui un aumento di pensioen di behez, pero cu no ta honra e cifra di 700 Florin cu el a bisa cu lo bira aumento di e pensioen di behez cu tabata e motibo cu cual el a gana eleccion.

Mike Eman y AVP ta muestra con awor nan ta bolter Presupuesto pa duna e e grupo di grandinan un aumento cu no ta nada compara cu e 700 florin primiti.

E aumento aki mester ta



den e cifranan oficial di Aruba, pues e Presupuesto cu a desaparece y no por a wordo trata anteriormente, pero awor mester wordo cambia manera Mike Eman ta exige pa haci.


Unda Ley cu ta proteha Pueblo contra wega politico, Ley di Contabilidad ta keda, ta bini dilanti den e forma cu awor ta bay cambia e sumanan acorda y cu Hulanda ta exige pa subi mesa y wordo aproba, pa asina Mike por cumpli cu un promesa cu atrobe e no por cumpli.

Mientrastanto e Hulanda cu tabata alaba bon trabou di Aruba, ya a cuminsa splica cu e cifranan mester subi mesa pa asina evita y duna prueba cu ta tene na acuerdonan cu Reino, si no kier resultadonan na interes di e Pueblo di Aruba. Esaki ta nifica cu prome cu Mike Eman a forma gobernacion, prome cu el a bira Ministro Presidente, ya por papia di un situacion serio riba tereno financiero a base di un presupuesto cu practicamente a desaparece y no a wordo trata manera Ley ta exige. DIARIO cu Ley den man ta sigui e desaroyonan sumamente serio cu a haci

pa prome cu Mike Eman a sinta como Prome Ministro ya el a decreta den Parlamento cambio den e cifranan di Aruba pa motibo di un promesa di eleccion cu e mes a bisa cu e no por honra! E presupuesto cu awor ta den Parlamento ta duna prueba, cu Mike

Eman a haci un promesa cu e no por cumpli pasobra pa e por a cumpli, e pago di 700 Florin completo mester ta parti di e Presupuesto cu a wordo entregador di Gobierno Evelyn Wever-Croes y misteriosamente a keda den aire di e cambio di Parlamento.

Combustibel ta baha awe un tiki di prijs na Aruba



ORANJESTAD (AAN): Manera ta conoci, riba di dos Diaranson di luna, ta bin cu cambio den prijs di produccion petrolero. Pues pa fecha 12 maart 2025 esakinan lo bay ta e prijsnan nobo.

Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 12 maart 2025:

Gasoline unleaded-premium ta baha cu 0,7 cen, pa worde bendi awor na 241,0 cen pa liter.

Diesel LS ta baha cu 2,1 cen, pa worde bendi awor na 216,1 cen pa liter.

Kerosin ta baha cu 4,2 cen, pa worde bendi awor na 191,9 cen pa liter. E prijsnan ta inclui BBO/BAZV/BAPV.




Cuminsando cu 4 florin, bo por gana e suma grandi aki

Afl.

180.000,-

Obtenibel na cualkier rebendado di Lotto.

sorteo ta awe nochí 7:45 pm



HUNGA AWO



Cubri necesidad di victima di condicion inespera di bida ta motibo

Di "armenkas" pa asegurado social pa reparatietoeslag!

*Pensioennan social no a bay den man politico pero den banco

*Reparatietoeslag a habri e porta peligroso di wega politico

ORANJESTAD (AAN) — Na e momentonan aki atrobe Pensioen di Behez ta bira topico di discusion politico na Aruba, na momento cu na nivel internacional, companianan di asegurado y gobiernonan ta busca otro pa haya solucion pa un problema cu sabiduria humano a crea.

E forma cu awe por alarga bida di un ser humano a produci retonan enorme, cu cual comunidanan na tur parti di mundo mester tene cuenta, manera na tanto ocasion DIARIO a trece dilanti.

Na nivel internacional problema ta surgi cu e banconan di asegurado social, cu a wordo crea dor di Gobiernonan den pasado pa cubri necesidad di e miembronan di poblacion cu ta wordo afecta cu condicionnan inespera di bida.

Morto ta cruel y ta haci cu un mucha cu a costumbra cu e por come tur dia, ta keda sin e pariente cu ta produci placa y asina e ta bira un mucha cu ta sufri hamber y hasta no por bay school of no tin un cas mas pa biba aden.

E viudo of viuda cu ainda tin yiu chikito of ta perde tur sosten ora e cabez di familia, e productor di entrada, fayece, no tin e medio financiero pa asina e por sigui cana den bida.

Un problema serio ta e realidad di tur hende, cu den nan curazon ta biba cu e anhelo pa alcanza un edad avansa, pero pa motibo di reglanan di comunidad ya for di cierto edad no por percursa pa su propio entrada pa e por tin e basico cu bida ta exige.

Condicionnan hopi serio a conduci na e pensamiento cu comunidad mester a sostene esnan cu ya no tabata capaz pa percursa pa nan mes y asina un tempo a cuminsa na e islanan Hulandes, cu loke a wordo yama "armenkas" e caha di placa pa yuda personanan cu pa condicionnan di bida, no tabata tin entrada.

Cu areglonan legal pa labor, pensionada a bira mas cu e condicion di bida di un persona cu a alcanza e edad cu e no por produci mas.

Na 1865 a admiti e situacion den un areglo legal, den cual a permiti asistencia pa povernan cu no por a percursa pa nan mes.

Situacionnan a crea e hecho cu personanan cu a alcanza cierto edad, ya tabata wordo retira na nan trabou y trahadornan hoben a ocupa nan puesto laboral.

Cu entrada di companianan petrolero na e islanan Hulandes den Caribe, porta a habri pa mas entrada y mihor condicionnan social di bida.

Leynan social a cuminsa mira luz den e horario di trabou, ora situacion social a conoce sosten di crecemento economico na e islanan.

Asina ta yega finalmente 1960 ora finalmente leyman social pa atende cu condicionnan di bida di e ciudadano ta mira luz y areglonan nobo ta duna sosten na personanan cu sea adversidad, maleza of edad ta bira cambio negativo total pa bida.

Ya hende no tabata depende di bon voluntad di otro pero a wordo mara na leyman den cual e colectividad di ciudadanonan tabata contribui na fondonan pa alivio social di ciudadanonan cu no por a percursa pa nan propio sosten financiero basico mas.

SVB ta habri su portanan pa acomoda e necesidadnan social y aki ta e caminda cu mester para keto.

Legislacion cu a wordo introduci como asegurado pa e bienestar basico di ciudadanonan afecta pa condicionnan di bida, no a wordo pone directamente den mannan politico bou encargo di gobiernonan cu ta bira realidad a base di voto y eleccion.

Leyman social a wordo entrega na e sistema di banco, den cual ciudadanonan ta participa na creacion di fondonan cu mannan politico no por afecta.

E politico, sin embargo, ta keda cu e habilidad pa uza leyman pa entre otro stipula edad cu cual ta haya asistencia oficial den condicionnan cu ta mishi cu bida, mientras den man di Gobierno a keda asuntunan social cu no ta mara na asegurado, pero leyman social cu ta wordo cubri cu placa di Gobierno, cu en realidad ta placa di e Pueblo cu ta paga belasting. E introduccion di Banco pa Asuntunan Social a evita a reserva proteccion di e persona cu no ta depende di e persona na kende e ta netrega su voto democratico, pa e come



ni pa enfermedad of morto di un pariente.

E banco mester di solidez y no por wordo pone na peligro dor di mannan politico, cu a introduci e alternativa di "reparatie toeslag" cu ta un tipo di asistencia cu ta duna un ciudadano.

Placa di belasting ta cubri e reparatie toeslag, pues Pueblo awor pa medio di e gobernantenan cu el a eligi ta paga pa e haya un tipo di un asistencia financiero, cu ta den man politico.

Awe Aruba ta conoce un situacion den cual loke e separacion di Banco di Pensioen di Behez for di gobernacion politico a evita.

Promesa ta wordo haci na personanan di edad avanza cu ta aumenta nan pensioen di behez aunke e pais no tin fondo pa haci esaki.

Na tal momento, Gobierno ta asumi e posicion cu mester ta den man di compania priva segun reglanan cu no ta socialista, y ta aumenta belasting pa paga mas pensioen di behez sin bon estudio manera ta e caso na e momentonan aki.

Placa ta wordo kita for di otro

fondonan cu tambe tin nan motibo, directamente dor di politiconan cu awor ta admiti cu e pais no tin placa.

Aruba asina ta cay den un situacion, cu introduccion di pensioen behez pa medio di un banco independiente di

aseguro social, mester a evita. Realidad social mester wordo splica na Pueblo, cu hopi bez no ta comprende cu e no debe politico nada, pero cu e politico mester di su voto pa e politico por asumi un posicion, paga cu placa di Pueblo.

MAESTRO BENJAMIN

Mi no ta bruho ni hasido di magia tampoco lesado mente. Si bo ta sinti cu spirito cu no ta lagabo drumi, bo ta tuma hopi remedinan pa kita un malesa y bo ta haña otro, paso abo ta victima di un bruheria hasi door di un potret, cabeí of cuminda. Pero EL MAESTRO BENJAMIN tin e solucion pa tur e problemanan.

Yama awor mes na e telefoon: **641-4186**

Mi ta cura cualquier tipo di malesa pa straño o dificil cu e por ta mi ta regresa bo ser stima den poco tempo. No ta importa e distancia ni e tempo. Mi lo regresa bo suerte pabo por gana loteria y casino. Mi ta cura bo curpa y bo cas di tur tipo di bruheria y maldicion..... Trabou ta 100% garantisa

CEL/ **641-4186**



Parlamentario Dangui Oduber (MEP):

Presidente di Parlamento actuando na un forma dictatorial

ORANJESTAD (AAN): E ley di presupuesto ta e ley di mas importante den gobernacion. For di aña pasa Gabinete Wever-Croes 2 e entrega e presupuesto na tempo na Parlamento pa

asina e wordo trata. Lamentablemente presidente di parlamento sra Gerlien Croes a secuestra e presupuesto 2025 di pais Aruba desde cu el a bira presidente di parlamento. Sra Croes a duna e

speransa cu e lo ta un presidente nobo, jong dinamico y diferente. Den practica el a resulta un desapunt'e cu mas bien ta un marioneta di Mike Eman manera e tawata tempo e ta riba lista di AVP!


Pa casi 3 luna sra.

Gerlien Croes tin e presupuesto secuestra y ta despues cu CAFT a bishita parlamento y el a ricibi un carta di conseho di minister di reino, bao presion e no por a haci otro cu yama e reunion pa asina cuminsa trata e presupuesto 2025 di pais Aruba diabierna ultimo 7 maart 2025.

Pa nos sorpresa e presidente di parlamento sra Croes a sera e reunion, schors e tratamento di presupuesto te proximo aviso despues cu Mike Eman a termina su discurso caminda el a presenta un amienda cu algun cambio den e presupuesto. Loke ta condenabel ta e hecho cu Mike Eman tawata e prome orador y tawata tin varios orador a inscribi nan nomber pa hiba palabra y algun miembro di fraccion di MEP tambe kier a presenta un amienda cu cambionan den e presupuesto 2025.

Loke sra Croes a haci diabierna ultimo ta actua como un dictador. El a nenga lider di fraccion di MEP un punto di ordo, el a kita e derecho di tur otro 20 miembro pa entrega un amienda y demostra su carater real cu ta un presidente di parlamento di AVP y no un presidente di parlamento di Aruba.

Fraccion di MEP ta lamenta e actitud dictatorial aki di sra Croes caminda poco poco e ta demostrando su "true self" na su manera di actua. E presidente di parlamento di e forma di actua aki a falta respet pa e organo di mas halto y sigur a falta respet pa e mas di 17.000 votadornan di MEP. Nos ta eyden pa representa pueblo y nos a exige e presidente sra Croes mas respet y pa e stop di actua manera un dictador.



ARUBA SMART METER UPGRADE

ELMAR ta cla pa instala Smart Meters den e vecindario di:


- Caya G F Betico Croes
- Dadelstraat
- Dominicaweg
- Grenadaweg
- Makapruimstraat
- Tarabanaweg
- Caya Juancho Kock
- Dividivistraat
- Druivenstraat
- Granaatappelstraat
- Guyabastraat
- Kashustraat
- Kenepastraat
- Mandarinastraat
- Mangostraat
- Manzanillastraat
- Pampoenstraat
- Patiastraat
- Pindastraat
- Avenida Papa J P II
- Amandelstraat
- Anasastraat
- Avenida Milio J Croes
- Larahastraat
- Milonstraat
- Mispelstraat
- Olijfstraat
- Sabana Blanco
- Shimarukstraat
- Tamarijnstraat
- Tomatenstraat
- Apelsinastraat
- Barcelona
- Campanastraat
- Clabillostraat
- Figostraat
- Guitarastraat
- Mandolinstraat
- Maracastraat
- Montana
- Timbalstraat
- Triangostraat
- Bereheinstraat
- Camaristraat
- Cantaloupestraat
- Cumana
- Macubaristraat
- Mamoticastraat
- Mariepampoenstraat
- Scopapelstraat
- Sorsacastraat
- Tangerinastraat
- Meiveld
- Morgenster
- San Barbola

E trabounan lo tuma lugar:

**Entre diamars, 4 di maart 2025 te
cu diabierna, 28 di maart 2025**

E trabounan lo dura mas o menos 30 minuut y lo causa un interrupcion cortico di servicio di coriente.

Danki pa e cooperacion.



Marguerita Wever ta splica:

Museo Arkeologico ta bay tin diferente actividad pa celebra Dia di Himno y Bandera

**Cuminzando 10 or di mainta pa 3'or di atardi:*



ORANJESTAD (AAN) — MANA (Museo Arkeologico Nacional Aruba), hunto cu fundacion Muchila Creativo y Departamento di Agricultura, Cria y Bestia (Santa Rosa), y Club Kibrahacha, hunto tres algun artista ta bay

duna un presentacion di union cultural, pa Dia di Himno y Bandera 2025, esta, e proximo dia 18 di Maart.

Asina Marguerita Wever, Hefedi Educacion y Presentacion di Museo Arkeologico Aruba a informa pa comunidad

di Aruba.

E dia aki MANA ta bay tin diferente actividad pa publico. Portanan lo habri for di 10 or di mainta te 3'or di atardi.

Pa e dia aki lo tin un programa varia, cu actividadnan pa cada edad. E Arkeologo Raymundo Dijkhoff lo duna un charla, cual ta e di dos den un ciclo di charla tocante e Santana di Santa Cruz 25, cual ta bay tocante data y analisis, cu lo tuma lugar dos biaha dia 18 di Maart. E prome lo ta pa 11'or di mainta y e di dos pa 1'or di atardi. Dos artista lo duna un tayer durante e horario di 10 or di mainta pa 3'or di atardi, di trabao di obra di man, unda por siña entre otro, con pa traha yabero. Lo tin un presentacion artistico poetico di e artista Ramos, ken tin un expo durante henter 2025 na MANA mes.

Tambe tin un kofie morgen y un cushina bon surti, y un festival di sopi, durante e actividad di Museo Arkeologico.

E mercado di buki di mas grandi lo ta riba Dia di Himno y Bandera



ORANJESTAD (AAN): Biblioteca Nacional Aruba (BNA) ta invita un y tur pa un celebracion pa grandi y chikito, 18 di maart awor. Un mercado grandi di buki ta warda tur bishitante y amante di buki.

Por busca trankilamente pa e buki perfecto y por stock pa full aña. Banda 'Tradicion Musical' ta toca pa tur y lo tin Baile di Cinta cu 'Grupo Dabaruida' y claro tin benta di cuminda crioyo y cos dushi.

E programa alegre ta cuminsa 9'or di mainta y ta sigui te 2'or di atardi. Pasa gosa, baila y celebra hunto cu famia, amigo y sernan keri di un bon ambiente y relaha un rato.



AANKONDIGING



Bij exploit van 11 maart 2025 van de deurwaarder Bernard R. Roos, waarvan een afschrift is gelaten aan de Directeur van de DWJZ op Aruba, die het origineel voor GEZIEN heeft getekend, is: NANCY ELIZABETH SILVA VALVERDE; zonder bekende woon en/of verblijfplaats op Aruba of elders, OPGEROEPEN: om op WOENSDAG, VIJFENTWINTIGSE (25ste) JUNI 2025 des voormiddags om 08:30 uur; ter terechtzitting van het Gerecht in Eerste Aanleg van Aruba, gevestigd aan het adres J.G. Emanstraat nr. 51 op Aruba, te verschijnen teneinde op het door Richard Thomas Franken, wonende in Aruba, ingediend verzoek te worden gehoord.

De deurwaarder voornoemd

Bernard R. Roos

AANKONDIGING



Bij exploit van 11 maart 2025 van de deurwaarder Bernard R. Roos, waarvan een afschrift is gelaten aan de Directeur van de DWJZ op Aruba, die het origineel voor GEZIEN heeft getekend, is: CORNELIS TEN HAM; zonder bekende woon en/of verblijfplaats op Aruba of elders, OPGEROEPEN: om op WOENSDAG, VIJFENTWINTIGSE (25ste) JUNI 2025 des voormiddags om 08:30 uur; ter terechtzitting van het Gerecht in Eerste Aanleg van Aruba, gevestigd aan het adres J.G. Emanstraat nr. 51 op Aruba, te verschijnen teneinde op het door Joycelyn Lilian Wolff, wonende in Aruba, ingediend verzoek te worden gehoord.

De deurwaarder voornoemd,
Bernard R. Roos

AANKONDIGING



Bij exploit van 11 maart 2025 van de deurwaarder Bernard R. Roos, waarvan een afschrift is gelaten aan de Directeur van de DWJZ op Aruba, die het origineel voor GEZIEN heeft getekend, is: NILDA YANEI SAYAGO CRUZ; wonende te Aruba officieel ingeschreven te Anglostraat 7, thans zonder bekende woon en/of verblijfplaats op Aruba of elders, OPGEROEPEN: om op MAANDAG, DRIEËNTWINTIGSE (23ste) JUNI 2025 des voormiddags om 09:00 uur; ter terechtzitting van het Gerecht in Eerste Aanleg van Aruba, gevestigd aan het adres J.G. Emanstraat nr. 51 op Aruba, te verschijnen teneinde op het door Nectali Jose Maduro, wonende in Aruba, ingediend verzoek te worden gehoord.

De deurwaarder voornoemd,
Bernard R. Roos

Parlamentario Rocco Tjon:

Presupuesto 2025 secuestra door di Gerlien Croes y Mike Eman

ORANJESTAD (AAN): Diabierna mainta den sala di Parlamento a inicia e tratamiento di presupuesto 2025. Mi persona hunto cu Geoffrey Wever mester contesta preguntanan al respecto nos ministerionan. Sinembargo despues di e pro orador cual tawata sr. Mike Eman a schors e reunion. Gerlien Croes no a duna palabra na leider di fraccion di MEP, cu tawata tin un punto di ordo y tampoco na demas miembronan di Parlamento cu a yena e lista di orador.

Sra. Gerlien croes cu un actitud di kibra reg-laden parlamento

Ainda nos ta corda con sra. Gerlien Croes a vocifera su mes cu e ta para pa politica moderno, politica caminda ta respeta e organo di Parlamento y alabes tambe su pensamiento cu e Presidente di Parlamen-



to mester traha igual pa tur partido.

Netamente e contrario nos ta constata aworaki. Sra. Gerlien Croes ta laga sera mic di miembronan di Parlamento simplemente pasobra e ta di opinion cu e no tin di haber cu e topico. E ta sera mic di Parlamentarionan mientras nan ta hiba nan disertacion y splica dicon nan kier vota na favor of contra un ley. Kibrandu asina e reglamento di ordo. Y tur esaki a culmina diabierna ultimo ora e a sera reunion, lagando tur Parlamen-

rio cu palabra den boca, caminda a nenga nan di hiba palabra, trece punto di ordo y alabes entrega amienda.

Onderonsje entre Gerlien Croes y Mike Eman

Tawata bisto cu esaki tabata un palabracion haci di adelanta entre Mike Eman y Gerlien Croes y di e forma ey a secuestra e presupuesto un bes mas. Despues cu mester a keda manda carta y pidi'e pa trata e presupuesto, a yama esaki pero cu un palabacion entre Mike Eman y Ger-

lien Croes cu lo schors e reunion mesora despues di e prome orador cual tawata Mike Eman mes. Esaki cu tur problema pa departamentonan, fundacionnan y pa Aruba su credibilidad financiero.

oportunidad pa duna su punto di ordo. Pa e motivo ey diabierna siman pasa ya caba a entrega un carta na sr. Gobernador unda nos ta comparti tur e preocupacionnan aki.

Pa conclui

Nos ta lamenta e comentario di sra. Gerlien Croes cu tur hende tabata contento diabierna ultimo. Nos fraccion sigur tawata hopi desapunta y mas cu tur preocupa pa e forma con Gerlien Croes a mina parlamentarionan pa hiba palabra, mina nan derecho di entrega amienda y no duna lider di fraccion di MEP

Alabes awe nos fraccion a entrega un otro carta den cual nos ta pidi sra. Gerlien Croes pa duna nos tur correspondencia entre su persona como presidente di Parlamento cu Raad van Advies, CAFT, Directie Financiën y Minister di finanzas. Esaki pa nos por monitoria e proceso pa cu e consehonan cu el a bisa di bay punta na e entidad nan aki.

'E Rey di Jampouw' Centro di Pesca Spaans Lagoen preparando pa Torneo di Pesca



ORANJESTAD (AAN): No tin nada mas crioyo, y sigur nada mas 'Arubiano di pura cepa', pa come un bon Jampouw fresco captura, y bon hasa!

E bon noticia ta cu riba Diadomingo 16 di Maart venidero, ta preparando pa un competencia sin igual pa honra e pisca mas gusta na Aruba, esta Jampouw.

Esaki ta ser haci door di e piscadonan di Centro di Pesca Spaans Lagoen pa honra Dia di Himno y Bandera.

Esaki lo ta e di 11 edicion di e Torneo di Pesca aki titula 'E Rey di Jampouw'. Di e forma aki, e piscadornan riba awa lo ta competi contra otro pa busca Aruba su rey of reina di Jampouw.

Riba Diadomingo 16 di Maart 2025, nan lo ta saliend den boto for di 4:00 am caba. Y nan lo mester tey bek pa 4:00 pm.

Di e forma ey, nan ta invita publico pa presenta atardi ey na Centro di Pesca Spaans Lagoen, y asina cumpra bo pisca fresco.

SEÑOR DE LOS MILAGROS

Invitashon pa misa pa enfermonan diabierna 14 di Maart na Parokia Inmaculada Concepcion na Santa Cruz.



Pastoor Jairo Maduro y Pader Jose Miquel hunto cu grupo Peregrino Señor de los Milagros ta invita tur pariokanonan, debotonan pa un misa pa enfermonan diabierna 14 di Maart na parokia Inmaculada Concepcion na Santa Cruz pa 7.00 pm. Durante e misa por trese petishon y un ofrenda den un envelope y deposite dilanti di e crus di Señor de Los Milagros cu un ofrenda chikito. Lo tin envelope disponible tambe prome cu misa. Pastoor lo resa pa tur e intencionnan cu bo ta confia na Señor de los Milagros. Pa 6.15 pm lo tin caminda di cruz den misa.

Koor: Vlam di Amor.

Hesus y Su Mama Maria ta warda bo.

Habitantenan inocente na St. Maarten ricibiendo pakete cu droga aden

PHILIPSBURG: E siman aki, Cuerpo Policial di St. Maarten a emiti un alerta publico pa un trend cu nan a cuminsa detecta, unda paketenan fraudulentamente conteniendo substancianan ilegal ta yegando pa adres di hende na e isla.

Polis di e isla ta haya esaki un desaroyo preocupante, unda ta haci maluso di number di hende, of tambe di negoshinan pa cargamento ilegal. Individuonan a bin ta manda paki cu productonan for di Merca y Canada, y na forma falso ta pone number di habitantenan inocente, y hasta compania como recipiente. Ora di haci investigacion, hopi di e paketenan aki ta contene droga ilegal.

Autoridadnan hudicial na St. Maarten a detecta varios di e casonan aki na comienzo di 2025, y danki na inteligencia di exterior, cu ta yuda haci investigacion.

Reaccion di esaki ta cu Polis na St. Maarten ta urgi tur habitante y negoshi pa nan ta cauteloso. Si bo ricibi notificacion di compania di Courier encuan to un paquete cu abo mes no a bestel, bo ta wordo conseha pa rechaza entrega di esaki, of regla pa e wordo debolbi si acaso ya el a wordo treci na bo cas.

The Aruba Ports Authority N.V. is publicly tendering: Installation of fenders at the port of Oranjestad. According to the tender document for Capex Project APA-PFAU-1-25

Short Project description:

The project consists of the following activities
Removing old brackets from existing fenders and/or car tires.

- repairing the coping edge at each fender location.
- Installation of protective plates (UHMW-PE) against the quay wall for each fender.
- Installation of 4 pieces of "brackets or U-Anchor" for each fender.
- Note: the fenders are not installed.

The tender documents will be available for purchase from **March 10, 2025, up to March 14, 2025 until 4:30 pm local time**, via email tender@arubaports.com against payment of **Afl. 500.00**.

The request for the tender documents must include proof of transfer in the requesting e-mail. Note that the **cut-off time** for receipt of request and proof of transfer is **March 14, 2025, at 4:30 pm local time**.

Bank Account Information:

Beneficiary: Aruba Ports Authority N.V.

CMB: 15267105 | **Aruba Bank:** 128710 | **RBC:** 7700000030549428

Description/Reference: TOR project nr. APA – PFAU – 1 – 25

For additional details of this tender, visit

<https://www.arubaports.com/main/installation-of-fenders-in-the-port-of-oranjestad/>
or scan this QR code.



**ARUBA PORTS
AUTHORITY NV**
ORANJESTAD + BARCADERA



Contra un sospechoso cu arma di candela Cuerpo Policial a honra 3 oficial di Polis pa nan accion relampago



ORANJESTAD (AAN): Recientemente a yama tres oficial di Polis pa presenta na Warda di Polis Santa Cruz, pa rindi honor na nan personalmente pa nan accion relampago y eficaz.

Durante di Parada di Jouvert Morning a sosode un tiramento net patras di un Julio's Bar na San Nicolas. Na e momento ey tabata tin un multitud grandi di persona gosando di Jouvert Morning y pa colmo e parada tabata pasando na momento di e tiramento.

Aki tabata na unda cu tres agente policial di fam Nicholson, de Castro y Phillip a drenta den accion. Tabata momentonan crucial na

unda den un par di seconde mester a actua. Den nan accion policial pa nan sorpresa e sospechoso tabata tin un arma di candela den su man y tabata den direccion di e agente policialnan menciona.

Den un forma tactico, eficaz, veraz y cu firmesa a sa di actua y a pone sospechoso na vloor y na boei mesora.

Mirando e riesgo grandi di multitud di hende presente nan actuacion rapido y detene e sospechoso despues di e tiramento ta algo di aprecia.

Pa motibo di esaki alto-comisario Ramon Arnhem ta mira e importancia di duna balor y honra e tres agente policialnan aki cu e titulo di mas halto di gratitud cu ta e



“oorkonde”. Cu e documento aki ta pone un balor extra den nan carera policial.

Arnhem ta gradici e tres coleganan aki pa nan actuacion y ta duna un balor agrega na nos Cuerpo Policial Aruba pa asina di e forma aki sigui mantene nos comunidad sigur y tranquil.

“Ora hende muhe ta lidera, e futuro ta mas fuerte pa tur hende”

Prome Minister a atende evento “threats and opportunities of digital technologies: women in the public eye”



ORANJESTAD (AAN): Manera ta conoci, Prome Minister Evelyn Wever-Croes ta na Nacionnan Uni pa atende e conferencia di “Commission on the Status of Women” (CSW69), unda lidernan di mundo ta enfoca riba kico cada pais a haci y ta haciendo pa mehora e posicion di mucha muhe y hende muhe.

Diamars 10 di maart, Prome Minister a atende un side-event di CSW69, “Threats and Opportunities of Digital Technologies: Women in the public eye”, organisa pa Council of Europe y Yuricko Backes, Minister di Defensa y Igualdad di Luxemburg.

Durante e evento aki Prome Minister di Aruba a hiba un discurso unda riba peticion di e organisacion, el a comparti su experiencia como un hende muhe den wowo publico y e menasanan y oportunidadnan di tecnologia digital.

E mandatario durante su discurso a indica cu un bida publico no ta solamente servicio pero ta resiliencia. Tur dia un hende muhe den liderazgo ta enfrenta abuso online, desinformacion y control cual ta asuntonan cu ta afecta un hende muhe den gran forma, simplemente pa motibo di nan sexo. Esaki no ta solamente un reto personal pero ta un menasa pa democ-

CELEBRA BO PROME SANTA COMMUNION DEN RENAISSANCE CONVENTION CENTER



Nos ta ofrese diferente paketenan special pa e ocasion aki

1. Un glass cu champagne na entrada
2. Un bolo
3. Muchanan di 5 pa 12 anja ta mitar prijs
4. Prijs di nos bar ta na florin

Pa reservacion por yama Magaly na 5236404 of email:

mmtheijssen@arubarenaissance.com

R
RENAISSANCE®
WIND CREEK ARUBA RESORT



racia ora cu hende muhe ta wordo obliga pa keda keto.

Prome Minister a accentua cu na Aruba, uso di medionan social ta entre esunnan mas halto den e region. Segun e estudio Diagnostics on the Technology Divide on Aruba (2022) di Futura, mas di 90% di e poblacion ta involvi activamente cu plataforman digital. E conectividad aki ta duna oportunidadnan increibel pa participacion civico, pero tambe ta expone personahenan publico, spe-

cialmente hende muhe, na riesgo di acoso, desinformacion y abuso online.

“Pero awe nos ta aki pa recupera nos espacio. Pa sigura cu tecnologia digital no ta un barera, sino un puente, un herment pa empoderamento, inclusion y igualdad. Nos mester fortalece leynan y tuma responsabilidad pa protege bos di hende muhe, tanto online como offline. Aruba ta solidario cu esfuersonan global pa combati violencia facilita pa tecnologia.

Nos ta kere den un mundo digital unda hende muhe por lidera, expresa y contesta sin miedo y hunto nos mester exigi plataforman cu ta safe, miho strategianan, y e compromiso global pa protehe hende muhe den liderazgo. Laga nos sigui e conversacion aki, cu bos firme y yen di curashi. Pasobra ora hende muhe ta lidera, tanto den politica como den e mundo digital, e futuro ta mas fuerte pa tur hende,” Prome Minister a termina bisando.

Ultimo tempo ta bisa cu nan lo no bay cobra esey nunca

Southwest Airlines a sorprende tur hende pa anuncia cu nan lo cuminza cobra pa maleta

ORANJESTAD (AAN): Informacion for di nan sede principal na Dallas (Texas), a indica cu apenas algun luna despues cu gerencia a enfatisa cu nunca nan lo no bay cobra placa di pasaheronan pa nan por biaha cu nan maletanan, diripiente e siman aki Southwest Airlines a admiti cu nan ta cambia di pensamento, y lo bay cuminza cobra pa esaki.

Confirmacion a drenta cu entrante 28 di Mei 2025 nan lo introduci e reglamento nobo aki pa genera mas entrada den caha.

Esaki ta completamente contra e principio di Southwest Airlines cu nunca a cobra pa maleta. Pasaheronan semper por a viaha gratis cu dos maleta, y esey tabata algo poni den fundeshi di e compania. Nan tin hasta un 'marca registra'

riba e palabra "Two bags fly free" riba nan web-site.

Pero entrante 28 di Mei 2025, pasaheronan cu no ta parti di un programa di lealtad of viahando riba e pasashi di mas caro, Business Select, lo tin di bay paga pa por biaha cu un maleta.

Viaheronan frecuente cu status "A-List Preferred" tambe por biaha cu dos maleta gratis. Miembronan di "A-List Level" y esnan cu tin Credit Card di Southwest, lo por viaha cu 1 maleta gratis.

E Aerolinea a indica cu e cambio su meta ta pa "profundiza y recompensa lealtad" cu nan clientenan cu ta mas haci uso di nan servicio.

Southwest a agrega cu nan lo introduci un pasashi di 'basic economy' cu opcionnan adicional cu bo por escoge bo asiento di antemano,



y tambe cu extra espacio pa rek bo pianan na bo asiento.

Awor ta mira cu Southwest ta haciendo cambio den intento di genera mas placa. Siendo cu ni seis luna pasa, esta na September 2024 nan a declara cu nan lo no bay cobra pa por viaha cu maleta.

Na Juli 2024, South-

west a finaliza tambe nan modelo di "open seating" di varios decada, cu tabata permiti pasaheronan escoge nan asiento ora di bay abordo.

Pa colmo semper den encuestanan, pasaheronan di Southwest a indica cu e motibo cu na ta viaha cu nan ta pa e bon tarifa pa pasashi, nan schedule, y hecho cu

bo por biaha cu 2 maleta gratis.

Ainda no tin sigur kico e cambionan aki lo bay haci cu e clientenan, si acaso nan lo keda fiel cu e aerolinea of stop di bula cu nan. Hecho ta cu den e prome tres cuartal di 2024, e aerolineanan na Merca a genera entrada di 5,5 biyon Dollar djis na cobranza di maleta.

Diahuebs hopi cas na Pavia cu Cumana y Sero Preto lo keda 7 ora sin corriente

ORANJESTAD (AAN): E siman aki NV Elmar ta preparando pa haci mas trabao di mantenimiento, den diferente Transformatorhuis cu tin instala rond di Meiveld y vecindario.

Pa sigui garantiza suministro di electricidad, e profesionalnan di Elmar lo ehecuta trabao di mantenimiento na Meiveld y vecindario riba Diahuebs 13 di Maart 2025, for di 8:30 am te cu 3:30 pm.

Pues pa 7 ora largo, nan lo desconecta temporalmente e corriente pa garantiza seguridad



tanto pa NV Elmar su tecnicoan como esnan den e area.

E caya- y adresnan cu lo keda sin corriente riba Diahuebs awor ta Meiveld 11, Meiveld 12, Meiveld 14, Meiveld 28-B, Meiveld 28-C, Meiveld 28-E, Meiveld 30, Meiveld 30-D, Meiveld 30-E, y Meiveld 53.

Tambe tin Pavia Park na e casnan cu number 40, 42, 44, 46, 48, 50, 52, 54, 56, 56-A, 58, 60, 62, 64, 66, 68, 70, 72, 74, 76, 80, 82, 86, 88, 90, 92, 93, 94, 98, 98 A, 100, 102, 104, 105, 106, 107, 108, 110,

110-A, 111, 112, 113, 114, y 115.

Na Cumana lo afecta casnan 77-B, 77-C, 77-D, 77-E, 77-F, 77-H, 77-V, 77-W, 77-X, 77-Y, 77-Z, 79-D, 79-E, 79-F, 103-D, 103-F, 103-G, 105-C, 105-D, 105-E, 109, 109-A, 109-B, 109-C, 109-D, 109-E, 109-F, 109-H, 111, 113, y 115.

Na Pavia lo afecta tur e casnan cu number 105, 106, 108, 109, 110-D, 110-E, 110-F, 110-G, 111, 112, 113, 114, 115, 116, 117, 118, 119, 120, 120-A, 121, 122, 123, 124, 125, 126, 127, 130, 131, 132, 133, 134, 135, 136, 137, 139, 140, 141, 142, 143, 144, 145, 146, 147, 148, 149, 149-A, 151, 152, 153, 154, 155, 156, 158, 159, 160, 161, 162, 163, 164, 167, 168, 169, 170, 171, 171-A, 171-B, 172, 173, 174, 175, 176, 177, 178, 179, 180, 181, 181 A, 182, 183, 184, 185, 186, 187, 188, 189, 190, 191, 192, 193, 194, 195, 196, 197, 225, 227, 229, 230, 231, 232, 233, 234, 245, y 259.

Na Sero Preto (Paradera), e casnan cu lo wordo afecta ta numbernan 14, 14-B, 14-C, 14-D, 14-E, 14-F, 14-J, 14-L, 14-R, 14-T, 14-U, 14-V, 14-W, 14-X, 14-Y, 16-E, 16-F, 16-J, 16-K, 16-L, y 16-M.

Parlamentario Otmar Oduber, lider di PPA:

Reunion cu Comision Fiho di Husticia den Parlamento, Alto Mando, SPA, y KPA tabata "hot"

•Pero contestanan den e prome ronda tabata "mi no sa", "nan no sa"

ORANJESTAD (AAN) Dialuna 10 di Maart Otmar Oduber, Lider di fraccion di PPA, a yama un conferencia di prensa den cual el a referi na tres tema, esun prome ta e reunion publico cu el a pidi tocante e caso di tiramento ya conoci.

Na prome lugar Oduber a manda palabranan di sosten y apoyo na e lucha cu ta continua den e caso lamentable di tiramento, unda un hoben di apenas 19 aña a perde su bida.

E parlamentario di PPA, a comenta cu manera ta conoci su fraccion, dos pa tres siman pasa a cuminsa un proceso pa yama un reunion publico pa atende cu e situacion aki, den tur su extension: loke e ta significa pa e famia, pa nos comunidad en general y sigur pa e relacion cu mester tin cu nos Cuerpo Policial, como tambe cu e diferente instancianan hudicial cu tin aki na Aruba.

Oduber a indica cu despues cu nan tabatin un reunion cu e Comision Permanente di Husticia di Parlamento, cu Cuerpo Policial y Sindicato di Polis SPA, nan a haya hopi informacion den e encuentro aki. E lider di PPA a bisa cu e ta gradici Sindicato SPA, pa a manda pa Parlamento di Aruba, pa fraccion di PPA, y nan a comparti esaki cu tur otro fraccion di Parlamento y un lista di preocupacion cu tin, hasta mancamentu cu tin den KPA. Oduber ta kere cu esaki ta prome biaha den añanan cu nan ta haya un documento cu a wordo prepara den e caso aki, pa Sindicato di Polis, na un forma transparente manera nan a wordo pidi, y e tin palabra di elogio pa e



Sindicato.

El a reitera cu fraccion di PPA a comparti e documento aki cu e otro fraccionnan, mirando e seriedad cu tabata tin den e caso pa cual nan a pidi reunion publico, siman pasa.

El a agrega cu PPA ta gradici tambe e Korp-schef señor Ramon Arnhem, cu den e reunion aki tabata hopi transparente y bastante "hot" (cayente) den e prome ronda di e reunion aki practicamente no kier a

duna informacion.

"Ni SPA, ni Cuerpo Policial y manera nan mes a bisa na final di e reunion n'a mi personalmente, nan lo a bin cu un actitud y pensamiento mescos cu den ruedanan di prensa na otro momento, di contesta 'mi no sa', 'nan no sa'. Esaki tabata palabranan di tanto e Korp-schef como di e Presidente di SPA, y esey ta loke a sosode tambe", Parlamentario, y lider di PPA, Otmar Oduber a señala.

Buskeda pa venezolanonan perdi den lama ta sigui dilanti Paraguana tambe



ORANJESTAD (AAN): E buskeda di e personanan venezolano riba lama mey-mey di Venezuela cu Curaçao siman pasa, ta sigui keto bay cu patruyahe maritimo, na tera, y tambe for di halto cu drone na e costa banda pariba di Peninsula di Paraguana.

Esey ta loke e Secretario di Seguridad Ciudadana di estado Falcon, esta Miguel Morales Miranda



a declara. El a muestra cu nan a pidi tur boto y barco cu ta pasando den e zona, y tambe na Golfo di Venezuela, pa informa di tur loke nan por mira den e area.

Nan ta sigui tambe con rond di Curaçao ta sigui cu buskeda, cu e.o. e barco 'Piska Fresku' na costa di e isla, y na final di dia a regresa tera sin ningun eventualidad riba lama.


Ta for di 5:00 am e botonan aki ta sali for di e Pier na Puerto Real di La Vela, y nan a nabega como 50 miya nautico cu



a core dilanti costanan di Adicora y Piedras Negras, segun e resumen di e dia a bay. Nan a regresa 12:10 pm sin a detecta nada.

Nan ta indica cu di e 26 migrante cu a sali Diamars siman pasa den e boto, 10 a wordo rescata Diamars cu algun hisa cu helicopter y otronan cu boto di Wardacosta di Caribe Hulandes. Pero uno di nan a fayece ora di yega tera na Curaçao.

Lo cera un parti di Caya G.F. Betico Croes pa motibo di un desmantelacion di edificio



ORANJESTAD (AAN): Departamento di Obra Publico ta informa comunidad di Aruba, specialmente automobilistanan cu ta haci uzo di Caya G.F. Betico Croes cu entrante awe 12 di maart 2025 te cu diabierna 14 di maart 2025 lo cera un parti di Caya G.F. Betico Croes pa motibo di un desmantelacion di un edificio cu lo bay tuma lugar.

For di un veredicto di un kort geding, Hues di Primera Instancia a dicta cu un di e edificionan na plaza Nikki Habibe ta den tal estado cu posiblemente peliger pa cay den otro. Pa seguridad di e area, hues a ordena pa desmantela e edificio inmediatamente.

Pa seguridad di tur automobilista y personanan cu ta transita den e area, lo cera e caminda temporario for di 8:30 di mainta te 6'or di atardi pa asina nos por desmantela e edificio.

Alumnonan di VWO-5 di Colegio Arubano pasando bon na Hulanda



ORANJESTAD (AAN): Manera ta conoci, desde siman pasa e grupo di henter VWO-5 di Colegio Arubano a subi avion rumbo pa Hulanda, unda nan a bay bishita diferente Universidad y Scol cu nan por acudi na dje den futuro.

Cu yudansa di e.o. Arubahuis, nan a ricibi diferente lectura riba e aspecto di estudio na Hulanda y demas desaroyo.

Haciendo bishita na Hogeschool Utrecht, nan a atende diferente lectura inspirador, cualnan a ser organiza pa CariMix. E tabata un dia hopi productivo sigur. Na final di e lecturanan, e studiantenan a haya chens di bay dal un paseo den e ciudad fenomenal di Utrecht.



Presonan na St. Maarten a keda 24 ora sin cuminda debi cu cuidadornan no a bay traha

PHILIPSBURG: Detenidonan na e prison Pointe Blanche na St. Maarten, a keda den fin di siman cu a pasa cera como 24 ora sin cuminda den nan cel, debi cu ningun cuidador di preso a bay traha e dia ey. E prison ta confrontando un scarcedad structural di personal y di e poco cuidadornan cu aynan ta den servicio, casi nan no tin motivacion mas pa labora, debi na e circunstancianan malisimo di trabao y inseguridad. Debi cu e cuidadornan

di preso no a presenta pa trabao, e presonan a keda 24 ora den nan cel sin cuminda. Nan no por a sali tampoco di nan cel pa asina tuma solo of bay den aire liber. Ministro di Husticia, Nathalie Tackling a describi e suceso como “hopi preocupante”, y “completamente inaceptabel”, y ta enfatiza cu e trato humano di detenidonan ta un derecho basico. El a indica di lo bay investiga e situacion, y tuma medida pa asina evita cu e caso lo ripiti.



Demasiado yen: Hecho ta cu e prison Pointe Blanche na St. Maarten pa hopi aña caba ta confrontando problemanan structural.

E prison ta demasiado yen, a bira bieu, y e instalacion no ta cumpli mas na e standard di Reino Hulandes. Ademas e hecho cu tin scarcedad di personal, ta trece problema cu vigilancia y e maneho diario di e compleho.

Na aña 2023 mes como 136 delincuente condena a wordo manda cas, debi cu e prison no tin capacidad mas. Na 2019 e presonan den e compleho a bay riba protesta

contra circunstancianan inhigienico pa un ser humano. Pointe Blanche cu e capacidad maximo permiti di 70 preso ya ta yen, y pa colmo na 2019 tabatin 80 persona encarcela. Algun cel tin 3 preso cera aden.

E prison ta pesta cu cacalaca debi na e circunstancianan antihigienico, y casi no tin posibilidad pa recreacion, y e yudansa medico ta hopi scars.

Suplica di Santa Rosa na comunidad ta pa ban comparti simia


ORANJESTAD (AAN): Santa Rosa ta pidi cooperacion di henter comunidad, especialmente e Amigonan di Santa Rosa, pa yuda nan cu simia di fruta of berdura cu pueblo por tin.

Manera aña nan anterior, Santa Rosa tin un programa di plantacion hunto cu Scol pa Ofishi, caminda cu nan ta ofrece pochi, gordura y tur tipo di simia pa e mucha nan por uza como material di les, pa nan educacion dirigi riba horticultura.

Despues cu e mata nan crece, esaki nan ta bolbe back Santa Rosa pa worde bendi cu comunidad. E ta aporta cu menos importacion di mata di fruta di afo, dus menos carbon footprint y ta stimula e hoben pa contribui den un forma activo na sostenibilidad den Agricultura.

Santa Rosa su deseo ta pa den futuro tin nan propio banco di simia, pa cual motibo nan ta boga regularmente riba e importancia pa colecta y warda tur simia natural pa worde planta despues.

Pa tur esnan cu ta desea di contribui cu simia di fruta y berdura, por entrega esaki nan cerca señora Carola Geerman of yama na 585-8102 pa mas informacion. Di antemano, masha danki di antemano pa contribui cu e hobennan y cu Santa Rosa. Union ta haci forsa.



Swinda a gana bon placa cu Zodiac



ORANJESTAD (AAN): E wega di Zodiac keto bay ta uno popular. Bo ta djis escoge un number consistiendo di cuatro cifra, agrega un signo zodiacal y ya bo ta den wega.

Esey ta loke Swinda a haci. El a cumpra numbernan di auto, y a ripara cu el a gana!

Pesey riba Dialuna el a acudi na oficina di Lotto pa reclama su premio. Aki e funcionaria a revisa su ticket pa check si el a firma na e parti patras di ticket, y ora di scan e barcode, computer a confirma cu Swinda a gana 12.500 Florin.

Mesora a sigui cu e proceso pa transferi e premio electronicamente pa su cuenta di banco. Swinda a indica cu e ticket ganador el a cumpra na Suemar Lottery.

Biahe di estudio Colegio Nigel Matthew

ORANJESTAD (AAN): Riba diahuebs 6 di maart ultimo a sali un delegacion di 80 alumno di Colegio Nigel Matthew pa Merca. Hunto cu e alumnonan a biaha 13 docente. Hefe di delegacion ta sr. Ricky Arends y representacion oficial di Colegio Nigel Matthew ta sr. Whitney Kock. Pa ta exacto nan a biaha pa New York y despues sigui pa Maryland.

Meta di e biahe di estudio ta pa e alumno cera conoci di cerca y experencia un dia na tres diferente universidad. Nan ta bishita University of Maryland Baltimore County, State University of New York y Monroe University. Gobierno di Aruba tin areglo cu e universidadnan aki cu ta yuda acomoda e estudiante Arubiano den su afan di studia den un ramo profesional specifico. Cu e Arubalening cu e alumno por haya awendia y e areglonan entre gobierno di Aruba y e universidadnan aki,



studia na Merca ta posibel y pagabel.

Mas den ramo socio-cultural, e delegacion lo bishita Embahada di Reino Hulandes na New York, Busch Gardens na Williamsburg, Independence National Historical Park, White



House, One World Observatory, The National September 11 Memorial Museum y otro. Cu un biahe den ferry lo pasa cerca di Statue of Liberty y bou di e Manhattan Bridge na New York. No por laga afo cu henter e delegacion ta hopi interesa den e parti di comercio Mericano. Nan lo bishita diferente shopping-mall cu e intencion pa mira otro hende haci compras.

Diahuebs 13 di maart proximo e delegacion lo yega Aruba di regreso despues di un biahe hopi intensivo y educativo. Biahe asinaki ta duna e alumno no solamente conocimiento, pero sigur tambe e estimulo pa haci loke ta necesario pa e gradua pa su HAVO-diploma y despues sigui pa un estudio avansa.

Bonaire a logra gara ladron cu a horta riba beach

KRALENDIJK: E cantidad di ladronia riba beach, unda ladronnan ta bay cu pertenencianan di turistanan a manera sigui azota isla di Bonaire.

Sinembargo e siman aki autoridad a logra actua y detene un ladron! Tabata Diamars 4 di Maart banda di 10:45 am, cu Central di Polis di Bonaire a ricibi informacion cu algun persona desconoci a caba di horta algun tas poni den un Golf Cart na Te Amo Beach situa riba Kaya Internashonal. E doñonan di e tas mes ta den lama ainda ta snorkel.

Diferente unidad di Polis a cumenza mobilisa pa e area. Un poco despues, un unidad di Polis a raporta cu nan a yega na e beach, y testigonan a muestra nan riba un auto cu ta alehando. Mesora e unidad di Polis a cumenza core tras di e vehiculo sospechoso como cu e ladronnan lo ta aden. Mas unidad di Polis a



uni na e persecusion. Finalmente den un caminda di tera na altura di Kaminda Gurubu, Polis a logra blokea e vehiculo y bin topa cu e chauffeur cu un suma grandi di placa cash y smartphone.

Mesora a detene e sospechoso, un homber di inicial M.S.A.W. di 33 aña di edad pa ladronia. Den cercania unda a blokea e auto, a bin topa cu varios articulo mas, e.o. Tasnan, carchinan di Debit y Credit, cartera, holoshi di man, paña, serbete, y smartphone. Tur ta proce-

dente di ladronia. Polis a confisca e auto tambe pa mas investigacion.

Relaciona cu e caso aki, Recherche cu aprobacion di Ministerio Publico a core tene dos razzia na un cas na Kaya Rafaela, y tambe un cas na Kaya Gristelchi. Aki a confisca algun articulo relevante pa e investigacion. Pues tin chens cu e homber aki tabata bezig ta dañá number di Bonaire hortando tas di turistanan riba beach. Pa awor e ta keda deteni pa investigacion cu ta sigui.

Paola Harper ta e artista invita di MANA pa duna tayer di trabao riba Dia di Himno y Bandera

ORANJESTAD (AAN) – Paola Harper ta e artista invita pa Museo Arkeologico Nacional Aruba (MANA), pa e celebracion di Dia di Himno y Bandera, otro siman, dia 18 di Maart 2025.

Den un entrevista Paola a splica cu e idea ta pa e muestra algo di arte y obra di man y hunto cu su colega Silvia Isenia nan a crea un estilo di yabero chikito, di cual nan lo duna un tayer di trabao dia 18 di Maart na MANA.

E Idea ta pa siña algo facil cu tur persona por haci, tanto mucha como adulto. Paola tin 14 aña bibando na Aruba, y su expectativa ta siña arte, for di su filosofia cu tur persona tin artista dentro di su mes, y den e ocasion aki mester



explota e creatividad aki. E ta un artista innato. E ta pinta for di mucha, pero pa e obranan di man el a siña na Aruba mes, ocho aña pasa. Como pintor profesional e tin cuater aña. Paola a extende un invitacion na henter pueblo di Aruba, pa nan bin den famia completo, pa trece e welo y welanan, mucha, etc., pasobra e idea ta pa disfruta di e dia aki den famia.

Parlamentario Endy Croes:

E funcion di Presidente di Parlamento ta algo serio!

Gerlien Croes a gaña pueblo splicando cu staatssecretaris ta hancra den nos Constitucion

ORANJESTAD (AAN):

Mientras cu formacion di gobierno ta den su proceso, Parlamento di Aruba mester sigui funciona normal di acuerdo cu ley. Sinembargo nos a tuma nota cu Presidente di Parlamento actual Gerlien Croes, kende por cierto ta formado di e proximo coalicion no ta domina e materia completo. E ta haci expresionnan sin consulta of investiga y como Presidente di Parlamento momento bo bisa algo pueblo mester por kere den bo como cu nan ta sali for di e punto cu bo ta haci bo huiswerk y bo mester ta un “voorbeeldfunctie”.

Segun Gerlien Croes staatssecretaris ta hancra den nos Constitucion:

Gerlien Croes a sali expresa den prensa cu e funcion staatssecretaris ta hancra den nos Staatsregeling di Aruba (Constitucion). Esaki sinembargo no ta cuadra cu berdad y e ta un mentira fragante y nos lo bay na splica esaki awe den detaye.

Kico ta un Staatssecretaris?

Na Hulanda esaki ta regla den art 46 di nan Grondwet y ora un carter di un minister ta hopi grandi por apunta un staatssecretaris, kende lo yuda e minister haci parti di su trabou. E staatssecretaris na Hulanda ta wordo nombra y kita a traves di un Koninklijk Besluit.

Parlamento por manda yama e staatssecretaris y por dune tambe un mocion di desconfianza y mand’e cas.

Na Aruba esaki simplemente no ta existi y Gerlien a gaña:

Den Staatsregeling di Aruba na capitulo 2 (II) ta regla gobierno. (Regering).

Art 2.1 ta reglamenta kende ta gobierno y su definicion.

1. De regering wordt gevormd door de Koning en de Ministers.

2. De Koning wordt vertegenwoordigd door de Gouverneur.

3. De ministers zijn verantwoordelijk aan de Staten.

Pues ningun, pero ningun caminda den Staatsregeling di Aruba



na definicion di kende ta gobierno no ta inclui “staatssecretaris”, pues esaki no ta existi y no ta regla den Constitucion y pesey Presidente di Parlamento mester haci su huiswerk miho y no expresa mentira na pueblo.

Entre aña 1983-1985 a traha masha duro riba Staatsregeling Aruba:

Momento cu Betico Croes a logra Status Aparte pa Aruba dia 12 di maart 1983, cual a dreña na vigor 1 di januari 1986 ta masha



hopi trabou a wordo haci. Entre otro mester a prepara Staatsregeling pa Aruba. Pa logra esaki Aruba mester 2/3 parti di voto den parlamento, esta 14 voto pa esaki por wordo aproba. MEP e tempo aya a boga pa regla y hancra (2 staatssecretaris) den nos Constitucion capitulo 2 (II). Uno pa “Openbare Orde” y un otro pa “Handel, Industrie en Toerisme”. AVP lidera pa Henny Eman e tempo aya a protesta enorme pa oranan largo. Segun AVP esaki ta pa MEP acomoda su hendenan.

Pa por a logra

“consensus” pa aproba Staatsregeling di Aruba den parlamento cu 14 voto MEP mester a saca e posicion di (2) staatssecretaris for di e Staatsregeling sino AVP no lo a vota “voor”.

Den e tramite aki di ultimo ora e expertonan (sigur hopi cansa e tempo aya) a saca staatssecretaris for di e articulo principal capitulo 2 cu ta regla “regering”, pero a laga “per abuis” e palabra staatssecretaris den capitulo 3 art 17, cual mi lo splica esaki.

Staatsregeling Capitulo 3(III) art 17:

E articulo aki ta splica: Elk lid van de Staten heeft het recht vragen te stellen aan de ministers en de staatssecretaris. De ministers en de staatssecretaris beantwoorden deze vragen binnen redelijke termijn. Pues aki pa un eror a laga staatssecretaris den e texto aunke cu na capitulo 2 (II),

cual ta reglamenta, kende ta gobierno esaki no ta regla y pues Staatssecretaris no ta existi den Constitucion di Aruba. Sinembargo, den e “Memorie van Toelichting di Staatsregeling Aruba” capitulo 3 (III) art 17 claramente ta splica amplio y ta “verwijs” akiden solamente na ministers y ningun caminda ta papia di staatssecretaris. Esaki ta e prueba cu ta clarifica e eror den e capitulo aki. Duidelijk ta cu pa nombra un staatssecretaris na Aruba mester cuminsa pa cambia Staatsregeling Aruba y pa cambia esaki mester dos tercera parti di parlamento pa bay di acuerdo, esta 14 voto. Un cos ta sigur cu di MEP nan lo no haya e sosten pa esaki.

Presidente di Parlamento Gerlien Croes a gaña pueblo door di bisa cu esaki ta hancra den nos Constitucion. Mentira! Haci bo huiswerk.

Prestige vacations Aruba a celebra nan di 40.000 booking

ORANJESTAD (AAN): E compania local Prestige Vacations Aruba, un luxury vacation rental, ta orguyoso di anuncia cu un logro importante, 40.000 bookings.

E logro aki ta marca un paso significativo den e crecimiento di e compania y ta reforsa su posicion como un di e lidernan den vacation rentals na Aruba pa turistanan cu ta busca un experiencia premium den Caribe.

“E logro aki ta un reflejo di e dedicacion y trabao duro di nos team, y tambe di e confianza y lealtad di nos cliente stima. Nos ta sumamente agradecido pa e amor y entusiasmo continuo cu nos ta ricibi,” ta loke Alan Riley, CEO di Prestige Vacations Aruba. “Nos ta spera pa ofrece mas hende e oportunidad pa experiencia e beyeza impresionante di Aruba y pa duna nan un vakantie inolvidabel.”

Prestige Vacations Aruba, cu tin hopi aña di experiencia den turismo y e mercado di real estate di Aruba, ta fo-



cus na yuda bo pa yega na bo propiedad di renta vacacional perfecto pa cualkier necesidad, sea un condo bandi beach, un condo cerca di beach, un villa luhoso, of un cas exclusivo. Desde 2007, Prestige Vacations Aruba ta ofrece su cliente distingui un experiencia unico y inolvidabel cu ta haci cada estadía verdaderamente especial.

E exito di Prestige Vacations Aruba por a atribui cu e experiencia excelente cu e ta ofrece, cu diferente unit luhoso, servicio personalisa, y access exclusivo na algun di e localidad mas bunita di nos isla. Fortificando rela-



cion di cliente y continuando pa mehora nos ofrece, Prestige Vacations Aruba a establece su mes como e go-to vacation rental pa turistanan cu ta bishita Aruba.

Prestige Vacations Aruba ta mira pa adelanta cu confianza, expandiendo su servicio pa ofrece un vakantie personalisa pa famianan, parehanan, y grupo di amigonan. Pa honra e logra aki, e team a celebra cu un bolo festivo, simbolisando e colaboracion y confianza cu a sigui pa e compania durante e aña.

Sala yen na MEP pa celebra Dia Internacional di Hende Muhe



ORANJESTAD (AAN): Den cuadro di Dia Internacional di Hende Muhe, Partido MEP y Comicion Forsa Femenino Grace a organiza na Cede di MEP un encuentro ameno pa tur nos hende muhenan riba nan dia. E tema e aña aki tabata “For ALL Women and Girls: Rights. Equality. Empowerment.” Den un sala completamente yen y bunita dorna esnan presente por a disfruta di varios presentacionnan balioso dirigi na nos sernan femenino.

Lider di partido MEP Evelyn Wever-Croes a duna un discurso na unda el a enfoca riba liderazgo femenino y e importancia pa prepara nos mucha muhenan pa por asumi posiconnan di liderazgo den futuro. El a duna hopi ehempelnan personal y

a comparti e areanan cu e ta enfoca riba dje pa asina crea un balans den su bida.

Un di e oradornan riba e anochi aki tabata señora Ruthdene Sanchez cu a papia riba e significado di “Empowering”. Sigur un presentacion hopi inspirativo na unda el a splica riba e realidad cu tin actualmente na Aruba unda hopi biaha nos kier empower otro y alavez kibra otro, y e rol cu social media ta hunga den esaki. Tambe el a reitera cu un muhe empodera no ta uno cu lo purba na caba cu otro of desea malo pa otro sino un muhe cu ta den control di su emocionnan y cu ta sostene otro.

Thalina Willems tambe tabata un orador e anochi aki y a elabora riba e lasonan cu hende muhe ta forma den su



crecemento y e impacto cu esaki por tin den e desaroyo como hende muhe y mucha muhe. Señora Willems a enfoca specialmente ariba lasonan sigur y con esakinan por desaroya como adulto tanto riba nos mes cu informacion, pero tambe cu ayuda / guia profesional. Tambe el a brinda informacion di diferente instancianan social cu ta suministra guia y sosten pa e hende muhe y muchanan.

Durante e anochi aki, Stichting HUNTO tambe a duna un presentacion hopi informativo. Señora Michelle Lont a comparti informacion riba e servicio cu Stichting HUNTO ta ofrece, concentrando principalmente riba salud mental. Durante su presentacion, Lont a enfatiza cu hopi hende den comunidad ainda no sa unda nan



por busca ayuda pa problema di salud mental. E pregunta “Unda bo ta bay ora bo tin un problema di salud mental?” a crea un dialogo hopi interesante, unda e participante nan a comparti idea y experiencia riba e tema. Na final di e charla, e interes tabata grandi, cu hopi pregunta. Participante nan tambe a pidi pa

ricibi mas informacion y tips pa cuida nan bienestar mental. Lider di partido MEP a expresa cu e encuentro aki manera tur aña tabata uno exitoso, y ta gradici partido MEP, Shannon Henriquez, Comision Forsa Femenino Grace, e team completo, tur orador y participante pa haci esaki posibel.



Parlamentario Endy Croes (MEP):

Groundbreaking pa e 'overdekte' di IBISA Sportcentrum San Nicolas

ORANJESTAD (AAN): Parlamentario Endy Croes a representa Gabinete Wever - Croes II diabierna atardi na IBISA Sportcentrum San Nicolas na un ocasion hopi special. Oficialmente a tuma luga e groundbreaking, cual ta duna inicio na un proyecto magnifico, esta instalacion di un dak grandi y moderno "overdekte speelplaats" di 25 meter largo pa 17 meter hanchu y 9 meter di altura.

Historia cortico di IBISA Sportcentrum:

Jessy Beukenboom a hiba un speech y a conta poco di e historia di IBISA San Nicolas, unda e mes a inica como empleado despues cu el a gradua na Merca na aña 1982. Tambe tabatin varios invitado special presente entre nan: empleado- y pensionadonan cu a traha nan bida na IBISA Sportcentrum San Nicolas manera: Sr. Bill Buckley, Sr. Willy Willems, Sr. Kenneth Carty, Sr. Erick Mohamed y Sr. Jones cu ainda ta activo pa celebra e "milestone" aki, unda cu lo construi un dak grandi riba e speelplaats pafo. IBISA Sportcentrum San Nicolas tin un historia largo, unda miles di hoben te na grandi ta haci uzo di e facilidad aki. Director actual Sr. Juni Faro den su speech a splica cu como mucha e tabata sali di Noord bin train "weightlifting" eyan y cu e luga tin un parti hopi sentimental p'e pa cu su carrera deportivo. Sr. Faro a yega di representa Aruba na dos (2) ocasion den Weganan Olimpico na Atlanta y Atenas den "weightlifting".


Parlamentario Endy

Croes a amplia:

Parlamentario Endy Croes a hiba palabra den nomber di Gabinete Wever - Croes II y den nomber di Minister actual di Deporte Dangui Oduber. El a splica cu desde final di aña 2022, e mes como Minister encarga cu deporte y IBISA e tempo ey a haci un bishita oficial na Sportcentrum San Nicolas un mainta y a topa alrededor di 50 adulto mayor ta entrenando pafo riba e speelplaats aki den higr di solo. Esaki ta e programa di IBISA "Grandinan Activo". Den combersacion cu nan a puntra nan kico ta nan deseo. Tur a contesta un dak "overdekte" pa IBISA Sportcentrum San Nicolas pa trece sombra y alivio pa nan por practica cu mas smaak. Mesun momento Endy a duna su compromiso. Den su speech el a splica cu algun a bise e dia ey cu nan a wordo gaña door di varios minister anterior y pesey nan lo keda cu duda.

Endy Croes a sigura nan na 2022 cu kico cu e priminti e ta percura pa cumpli. Mesora a traha riba e plan den aña 2023 pa aloca e placa den presupuesto 2024. Na maart 2024, a haci e compra di ful e dak, cual a yega Aruba na luna di september 2024. Lamentablemente, Endy a wordo baha como minister den october 2024 kisas no na e manera mas husto, pero esey no a cambia su vision pa cumpli cu su promesa.

Ta gradici Dangui Oduber cu a lag'e (awe) Parlamentario Endy Croes trek e proyecto aki te final. E "bouwvergunning" tambe a dura casi 6 luna, pero awor tur cos ta na ordo, e "bouwvergunning"



a sali, e compania KSR tambe ta cla pa cuminsa mesora. Aki 3 luna rond fin di juli, e gobierno nobo por celebra e apertura oficial di e bunita proyecto aki. Miles di hoben di barrio y bisindario, pero tambe Colegio Nigel Matthew y mas scolnan den cercania lo

bay haci uzo mas aun awor di e facilidad aki. A splica cu a haci peticion oficial na DEHZI pa e di dos (2) overdekte pa e parti pabou na IBISA Sportcentrum San Nicolas, cual lo wordo trata e aña aki y ta spera cu e gobierno nobo sigui cu e fase dos (2) aki.

Adhunto ta publica e rapport y peticion oficial cu a bay DEHZI. Danki na tur cu a coopera fenomenal den e trayecto aki pa por a logra e proyecto aki. Pabien IBISA Sportcentrum, Pabien San Nicolas y Pabien Aruba. Nos a cumpli!



RESULTADO DI SORTEONAN PA CORTESIA DI CADENA ALEXANDER

Diamars 12 Maart 2025

 DIARIO	 KORSOU	SUPER 	 CATOCHI		 ZODIAC				
3085	4115	4443	MERDIA	ANOCHI	M	1927			
4238	2437	 SUPER 5 XXXXX	4213	8163	A	CAPRICORNIO			
6465	1320		0785	0749		5915			
			2574	7711		CANCER			
 LOTTO DI DIA		03-05-09-11-16	 OFF	8778-5943	 BIG 4	M	3493	A	8847

MULTI-X	MERDIA FP	MULTI-X	MERDIA X2
CATOCHI	ANOCHI X2	BIG 4	ANOCHI FP

LUCKY 3	MERDIA	327	MULTIPLIER X2	ANOCHI	855	MULTIPLIER X3	LUCKY 3
----------------	---------------	------------	----------------------	---------------	------------	----------------------	----------------

Mini Mega

Diamars 12 Maart 2025

01 08 16 18

... **Mega Ball 03**

- 1^{er} Premio: No tin ganador Jackpot
 2^{do} Premio: Tin 2 ganador Match 4
 3^{er} Premio: Tin 5 ganador Afl. 500,00
 4^{to} Premio: Tin 39 ganador di Afl. 50,00
 5^{er} Premio: Tin 76 ganador di Afl. 15,00

Jackpot pa e proximo Sorteo di Mini Mega 14 Maart 2025
 Afl. 280.000,- MEGA PLUS Afl. 380.000,-

Candela un biaha mas na mesun adres Guyabastraat

ORANJESTAD (AAN):
 Habitantenan no por a kere
 nan wowo, pa mira cu un cas
 den nan vecindario, cu ta
 abandona, atrobe tin huma ta
 saliendo for di dje.

Esaki tabata Diadomingo
 anochi, y mesora a pone
 Central di Polis, como tambe
 Centro di Alarma na altura.

Un unidad di Polis di Playa
 a wordo despacha rapido pa e
 adres pa mira kico ta pasando.
 Como cu den pasado ya caba
 tabatin caso similar di candela

na e mesun adres aki den
 Guyabastraat na Dakota.

Muy probablemente ta
 algun adicto ambulante ta
 usa e cas abandona aki como
 nan “lugar di choll”, y ta dal
 nan curpa cu droga. Y den
 esaki nan ta cende candela,
 como cu nan no tin bon control
 ni reflex, ata candela ta
 start.

Bombero tambe a yega, y
 mesora a paga e candela den
 e camber principal di e cas, y
 asina domin’e completo.



REGISTRO DI TEMPERATURA Y CUANTO AWACERO A YOBE ROND DI ARUBA

For di DIALUNA 8’or mainta te DIAMARS 8’or mainta:

- Temperatura registra na Aeropuerto, Aruba:
 —Maximo: 32° C. Yobida: 0.0 mm.
 —Minimo: 25° C.
- Temperatura registra na Westpunt, Aruba:
 —Maximo: 31° C. Yobida: 0.0 mm.
 —Minimo: 25° C.
- Temperatura registra na Santa Rosa, Aruba:
 —Maximo: 32° C. Yobida: 0.0 mm.
 —Minimo: 25° C.

INFORMACION PA PUBLICACION

REMITIDO

E exigencianan di DIARIO pa publicacion di cualkier remitido ta cu esaki mester bin den forma electronico (sea via FB Messenger, E-mail, USB Drive, CD-ROM, DVD-ROM), incluyendo number, adres, telefon, y firma di e remitente. Mester presenta cu un cedula of ID valido pa verifica e number y adres. DIARIO lo saca fotocopia di bo cedula of rijbewijs. Bo mester enfatiza di antemano, si acaso bo no kier pa bo number worde menciona como remitente!

(Atencion: Ora cu bo no kier pone bo number bao di un remitido, anto automaticamente den e texto bo NO POR menciona number di hende of entidad). Remitidonan manda via E-Mail mester tin number completo di e remitente, tambe su adres, telefon y firma pa asina e worde verifica prome cu publicacion. Textonan por ser edita segun espacio, y gramatica tambe lo ser drecha. No tin garantia cu e Remitido lo sali mesora den e proximo edicion! Tuma bon nota cu e Remitidonan lo ser publica segun espacio disponible den e edicion.

CUMPLEAÑOS

Pa publicacion di felicitacion pa cumpleaños di 1 aña bay ariba, NO ta acepta foto traha via di fotocopia, tampoco caricatura, ni pa animal. Manda foto na ‘noticia@diario.aw’

Contents ©2025 Matutino DIARIO


COPYRIGHT: Nada den DIARIO mag di worde copia sin permiso di Agencia Arubano di Noticia.

ALMANAC



**Bahada
y salida
di solo
na Aruba**

—12 Maart 2025
 Solo ta baha: 6:50 p.m.
 —13 Maart 2025
 Solo ta sali: 6:49 a.m.



**Lista di Crusero
di bishita
na Aruba**

—Diaranson 12 Mar. 2025:
 Rotterdam:
 (Debarks at 17:00)
 Grandeur of the Seas:
 (08:00 until Thu 13th)
 Coral Princess:
 (09:00 - 18:00)
 —Diahuebs 13 Mar. 2025:
 Grandeur of the Seas:
 (Debarks at 17:00)
 —Diabierna 14 Mar. 2025:

EMERGENCIA NA ARUBA

Diaranson 12 Maart 2025

DOCTER NA WARDA

SAN NICOLAS:
 Pa San Nicolas, Docter lo
 ta na H.A.P. ImSan. Docter
 tey for di 6’or di anochi te
 10’or di anochi.

ORANJESTAD:
 Pa Oranjestad, Docter lo ta
 na Huisartsenpost na
 Hospital. Docter tey di
 6:30 pm te cu 10:30 pm.

BOTICA NA WARDA

PARIBA DI BRUG:
 Botica San Lucas NV
 Zeppenfeldtstraat 49
 Telefon 584-5119

PABAO DI BRUG:
 Botica Dakota NV
 Avenida Milio Croes 45
 Telefon 588-7464

e-CONTACT DIARIO

E-mail Redaccion:
noticia@diario.aw
 E-mail Avisos:
aviso@diario.aw

E-mail Deporte:
deporte@diario.aw
 E-mail Asunto Funeral:
morto@diario.aw



Loke Tempo ta Mostra....



•• Pa awe Diaranson tambe ta anticipa cu tempo seco lo sigui
 wordo sinti riba Aruba, y tur esaki debi na condicion atmosferico
 cu ta stroba desaroyo di nubianan cu lo por a produci awacero
 riba e region aki.

•• Biento lo ta suplando di pariba cu brisa debil te modera entre
 12 y 30 km/h. Lama ta modera cu ola entre 3 y 6 pia.

PRIJS: 2 Florin ehemplar
 ABONO: 40 Florin pa luna

EDITOR

Agencia Arubano
 di Noticia

FUNDADOR

† Jossy M. Mansur

DIRECTORIAN

Eduardo Mansur

Luis M. Mansur

Damilice Mansur

REDACTOR Coordinativo

Aureen Werleman

REDACTOR Ehecutivo

Nilton Laclé

Yorleny Oduber-Quesada

Tania Cunha

REDACTOR

Mercedes Abdul-Hamid

Giovanni Lane

REPORTERO

Hubert Tiel

AVISOS Y ARTE

Franklin Peña (Hefe)

Susy Maduro (Project Manager)

Miguel Garcia

Glenn Gonzaga

Robert Simoons

ADMINISTRACION

Freddy Barreto (hefe di personal)

RECEPCIONISTA

Vivian Maduro

LAYOUT

Alex Croes

Ricardo Jimenez

IMPRESION

William Quiceno

Raul Valencia

ADRES

DIARIO N.V.
 www.diario.aw

Miembro di:
 Sociedad Interamericana
 de Prensa

Email: **noticia@diario.aw**
 Engelandstraat 29, Aruba.
 P.O. Box 577, P.O. Box 695

Telefon: +(297) 582-6747
 Whatsapp: +(297) 561-5325



DIARIO is Printed
 on 100% Recycled Paper

Poema di Ruben Dario

Juventud, divino tesoro

Juventud, divino tesoro,
 ¡ya te vas para no volver!
 Cuando quiero llorar, no lloro
 y a veces lloro sin querer
 Plural ha sido la celeste
 historia de mi corazón.
 Era una dulce niña,
 en este mundo de duelo y de aflicción.
 Miraba como el alba pura;
 sonreía como una flor.
 Era su cabellera obscura
 hecha de noche y de dolor.
 Yo era tímido como un niño.
 Ella, naturalmente, fue,
 para mi amor hecho de armiño,
 Herodías y Salomé...
 Juventud, divino tesoro,
 ¡ya te vas para no volver!
 Cuando quiero llorar, no lloro...
 y a veces lloro sin querer...
 Y más consoladora y más
 halagadora y expresiva,
 la otra fue más sensitiva
 cual no pensé encontrar jamás.
 Pues a su continua ternura
 una pasión violenta unía.
 En un peplo de gasa pura
 una bacante se envolvía...
 En sus brazos tomó mi ensueño
 y lo arrulló como a un bebé...
 Y te mató, triste y pequeño,
 falto de luz, falto de fe...
 Juventud, divino tesoro,
 ¡te fuiste para no volver!
 Cuando quiero llorar, no lloro...
 y a veces lloro sin querer...
 Otra juzgó que era mi boca
 el estuche de su pasión;
 y que me roería, loca,
 con sus dientes el corazón.
 Poniendo en un amor de exceso
 la mira de su voluntad,
 mientras eran abrazo y beso
 síntesis de la eternidad;
 y de nuestra carne ligera
 imaginar siempre un Edén,
 sin pensar que la Primavera
 y la carne acaban también...
 Juventud, divino tesoro,
 ¡ya te vas para no volver!
 Cuando quiero llorar, no lloro...
 y a veces lloro sin querer.
 ¡Y las demás! En tantos
 climas, en tantas tierras siempre son,
 si no pretextos de mis rimas
 fantasmas de mi corazón.
 En vano busqué a la princesa
 que estaba triste de esperar.
 La vida es dura. Amarga y pesa.
 ¡Ya no hay princesa que cantar!
 Mas a pesar del tiempo
 terco, mi sed de amor no tiene fin;
 con el cabello gris, me acerco a los
 rosales del jardín...
 Juventud, divino tesoro,
 ¡ya te vas para no volver!
 Cuando quiero llorar, no lloro...
 y a veces lloro sin querer...
 ¡Mas es mía el Alba de oro!


Un hermoso poema cu Seccion kier a dedica na nos hobennan, cu e deseo cu esnan cu lese sea nan conoce caba of ta lese pa prome biaha, medita, analiza, y concientiza nan mes riba e hecho cu hubentud ta dura “un frega di wowo”. No bal la pena pa kier bira adulto prome cu tempo, pero pa valora bida, studia, pone metanan mas aya di diversion. Tur hende tin un mision den bida, y e mision aki ta cuminsa for di momento di e concepcion y ta cristaliza den e transcurso di bida, y ta caba cu e ultimo aliento dia cu Dios ta dicidi. Goza di bida sanamente y forha boso futuro cu tur e potencial di Dios a duna boso.

Fracienne Maduro a celebra su 12 cumpleaños den seno familiar cu hopi amor y alegría



Happy Birthday a wordo canta pa Fracienne Maduro, pa asina recorda cu e hobencita ta celebrando su di 12 cumpleaños. Tur e ambiente aki, a tuma lugar den seno familiar na cas di famia Jacapucci, di cual Fracienne su Opa, esta Joy Jacopucci a conta Diario, cu nan ta hopi orguyoso di Fracienne, specialmente pa su dedicacion na su estudio y ken sa cu den futuro, nos lo por wak Fracienne manehando un vehiculo di Dtag, ya cu esey tambe tin un pasion grandi cu e deporte aki.
 Di parti di DIARIO y Hubentud den Movecion masha pabien pa Fracienne y p'e sigui cosechando exito na scol y orguyo den su famia. Dios yene cu hopi bendicion awe y semper.

Reflexion “Tene cuidao di bo mes”



Den e bijbel, tin un biaha cu un hoben ta haya un consejo di un homber sabi, e homber aki a bise den 1 Timoteo 4:16:

“Ten cuidado de ti mismo y de la doctrina; persiste en ello, pues haciendo esto, te salvarás a ti mismo y a los que te oyeren.”

□□1 Timoteo□□4□:□16□
 □RVR1960□□

E prome consejo cu e hoben aki ta haya ta:

Tene cuidao di bo mes.

Bo tabata sa cu nos mes por ta nos peor enemigo?

Tin biaha nos ta bataya asina hopi cu nos mesun pensamentonan y emocionnan, y esakinan ta destrui nos di paden. Tin asina tanto hoben den depresion, den desesperacion, y cu hasta ta luchando cu e pensamiento

di caba cu nan bida.

Sinembargo, tin un persona cu por yuda bo den e bataya aki, su nomber ta Hesus.

Como hoben, nos mester tene cuidao cu nos mes, cuidao cu nos decisionnan, cu nos manera di biba. Loke bo haci awe, lo afecta bo mañan.

Pesey awe nos kier invita bo pa habri bo curazon na Hesus. No sigui lucha bo so mas. No sigui tras di e pensamentonan di depresion y derota. Bo ta hopi mas, bo ta bal hopi, y bo bida tin un proposito pa Dios. Hesus ta wardando bo cu man habri, pa libera bo di bo pio enemigo, bo mes. Y yena bo cu su amor perfecto.

Bo ta cla pe?

-MVMNT Youth Ministry

Columna **E**
Sembrado

Diaranson 12 maart. Di prome siman di Cuaresma
 aña 2025 Ciclo C

Calendario liturgico

Prome Lectura: Yonas 3,1-10;

Salmo: 51;

Evangelio: Lucas 11, 29-32;

**Ora cu Dios a weita kico e hendenan di Ninive
 tabata haci, con nan a kita for di mal ca-
 minda, a duel Dios cu El a menasa di haci nan
 daño y E no a hacie mas.’ Jonas 3,10**

E storia di Jonas y Ninive kier pone enfasis riba e
 poder transformativo di un curason arepentí y e mise-
 ricordia di Dios. El ta siña nos cu nunca ta laat pa
 bolbe bek na Dios ni con leu nos por a desvia. Ora
 nos busca pordon cu sinceridad, nos lo hay’e y nos
 lo keda renoba, mescos cu e hendenan di Ninive cu
 a scucha e advertencia di Jonas y a evita destruccion.
 Humildad, fe y kere cu cambio ta posibel mester im-
 pulsa e pecador pa actua cu conviccion asina e are-
 penti di su picanan. E storia ta muestra tambe cu Dios
 ta un Dios misericordioso cu ta duna ’second chances’
 pasobra El a concede Jonas un otro oportunidad pa
 cumpli cu su mision. Nos tambe ta haya tur dia di
 nobo e oportunidad pa cumpli cu nos mision cristian
 a pesar of juist pa via di nos defectonan. Pero di nos
 banda nos tin cu obedece e instruccionnan di Dios pa
 cu Su plan salvifico si. Paso obediencia ta transforma
 y ta duna curashi na e misionero y esaki ta impuls’e
 pa actua cu conviccion y plama e Bon Noticia na tur
 hende los di nan pasado of circunstancia.

Oracion: Señor Hesus, yuda nos cu humildad pa bay
 haci un bon confesion y curashi pa cumpli cu nos mi-
 sion. Amen.

Grupo Pastoral Aruba

_____**Sudoku**_____

Conceptis Sudoku By Dave Green

				8				
			5		4			
		9				7		
		2	4	9	8	6		
			6		1			
		5				8		
	4						6	
9								3
	7	6	1	2	3	9	5	

BUSCA PALABRA

CUARESMA

A	G	Z	D	F	S	O	W	D	B	U	R	W	H	T	P	S	J	H	P
I	Y	E	O	A	J	U	G	D	I	Z	B	U	K	G	M	F	N	Q	G
I	A	T	N	L	D	N	H	G	B	P	U	V	L	Y	Y	S	W	D	H
P	B	E	U	E	J	I	Z	V	D	I	A	R	A	N	S	O	N	A	U
Z	T	C	X	Q	R	N	N	A	A	M	X	E	A	L	C	F	E	D	H
I	C	C	O	V	I	A	Z	U	R	I	C	B	T	H	Y	W	O	I	H
L	F	M	T	N	P	U	C	T	M	I	P	P	A	E	R	C	H	T	A
D	P	R	K	F	R	C	E	I	M	O	E	V	A	J	J	H	E	S	G
S	Y	F	B	U	S	M	B	G	O	K	C	T	V	S	O	S	C	E	X
P	G	M	Y	P	P	E	K	Z	Z	N	A	V	A	T	T	L	Q	N	Q
M	T	M	F	O	H	S	T	N	N	S	N	E	V	I	T	O	J	O	A
M	N	A	R	E	G	X	F	M	A	Z	W	L	Y	R	K	S	O	H	O
A	X	A	M	N	W	R	L	R	V	H	P	Z	N	G	O	O	Q	R	L
T	D	P	D	M	N	T	U	O	V	Q	J	V	D	I	S	R	R	T	T
A	L	G	M	I	G	S	N	V	A	E	H	S	D	H	P	W	F	A	R
O	S	O	O	F	J	X	B	T	E	R	O	D	H	E	Z	Q	X	R	P
B	D	R	M	W	H	M	D	X	Y	W	B	V	W	I	N	L	F	E	S
A	D	A	L	U	C	A	M	N	I	U	E	H	F	A	N	A	M	P	A
L	F	C	V	Q	U	P	R	E	S	E	N	C	I	A	T	I	E	T	U
O	S	I	D	T	E	S	T	I	M	O	N	I	O	E	D	R	S	H	C
R	R	O	L	A	B	E	X	Q	E	A	A	O	P	X	A	M	M	H	G
N	E	N	L	I	F	F	E	I	N	H	N	S	P	N	N	E	M	D	I
A	I	O	L	R	L	X	E	Z	A	I	E	N	Z	R	O	G	M	E	Q
N	I	M	W	L	A	U	Q	S	I	R	O	A	W	J	M	S	Z	J	L
L	Y	U	E	S	J	F	P	B	T	T	G	P	G	T	W	K	D	R	K
P	G	T	G	Z	X	M	P	K	S	S	O	J	V	B	L	C	H	A	L
J	L	M	V	I	B	R	P	J	I	E	S	D	J	D	B	M	R	X	P
H	L	W	S	Z	A	P	W	D	R	Z	J	P	W	Q	H	O	N	S	J
E	O	Y	G	L	N	H	S	T	C	W	B	Q	B	E	G	O	B	L	C
K	X	C	Q	T	Y	B	G	X	E	Z	J	V	W	X	V	A	B	H	T

BALOR
 BALORNAN
 COMUNIDAD
 CRISTIAN
 DIARANSON
 DIOS
 EHEMPLO
 GENERACION
 HOBENNAN
 HONESTIDAD
 INMACULADA
 ORACION
 PAROKIA
 PASTOOR
 PRESENCIA
 RESPETA
 SHINISHI
 SPERANZA
 TEMPORADA
 TESTIMONIO

6	2	4	5	8	1	9	3	7
9	3	7	2	4	6	8	5	1
5	1	8	7	3	9	2	6	4
2	4	5	6	9	3	7	1	8
3	7	9	8	1	5	6	4	2
1	8	6	4	7	2	3	9	5
4	5	3	9	2	8	1	7	6
8	6	1	3	5	7	4	2	9
7	9	2	1	6	4	5	8	3

HARI UN TIKI

Tabata tin un avion cu varios loco den dje y
 diripiente e gasoline di e avion a cuminsa caba.
 E piloto a bisa “Pasaheronan e gasoline ta
 cabando, pero keda trankil”.
 Un di e loconan a contesta “Trankil?, ban
 prepara pa cuminsa pusha”

Ministro Thijsen na evento special pa embahador Italiano Giorgio Novello

ORANJESTAD(AAN): Erasmus Universidad "Charting the Course na Rotterdam a tuma in Uncertain Times: a Informacion for di Hu- na lugar un evento special Dialogue between Aca-landa ta indica cu na

Agroalimentaria 2025 na Republica Dominicana:

Esaki ta un oportunidad unico pa empresarionan Arubiano



ORANJESTAD(AAN): Departamento di Asun- tonan Economico, Co- mercio y Industria y su unidad Exprodesk den colaboracion cu Min- isterio di Asunto Eco- nomico, Comunicacion y Desaroyo Sostenibel, ProDominicana, Junta Agroempresarial Do- minicana (JAD) y Con- sulado General di Re- publica Dominicana na Aruba ta invita tur ne- gociante y importador- nan pa un anochi infor- mativo tocante e feria Agroalimentaria 2025 dia 13 di Maart 2025 na Departamento di Asun- tonan Economico (Sun Plaza Building, 2nd floor) pa 6:30 PM.

Pa bo acudi na e Ano- chi di Informacion, bo mester registra via e website aki:

www.cutt.ly/Agro2025

E mision ta centralisa riba e feria internacio-

nal Agroalimentaria 2025, cu lo tuma lugar di 28 te 31 di mei 2025. Agroalimentaria 2025 ta e plataforma mas grandi di Republica Domini- cana pa sector agroali- mentario, bebida y ta- baco, cu lo reuni mas di 250 exportadornan Do- minicano. Durante e fe- ria, lo tin presentacion di productonan como berdura, fruta, condi- mentonan, pasta, koffie, cacao, tabaco, cerbes, rum Dominicano y hopi mas.

Pa kico e feria ta im- portante pa Aruba: E situacion economico mundial ta cambia constantemente, cuaumento di tarifanan riba importacion na Merca y otro paisnan clave. Aruba mester sigui diversifica su lazonan economico y explora opcionnan nobo pa importacion y inver- sion. Agroalimentaria

2025 ta un oportunidad ideal pa empresarionan Arubiano traha conex- ion cu negoshinan Do- minicano, amplia nan red comercial y explora colaboracionnan nobo.

E feria lo brinda opor- tunidadnan pa comer- ciantenan por explora posibilidadnan nobo di colaboracion y importa- cion a traves di reunio- nan y ronda di negoshi cu exportadornan Do- minicano, conferenci- anan y presentacionnan riba e sector agroali- mentario.

Anochi informativo ta tuma luga: 13 di Maart 2025. Durante e anochi informativo, lo brinda mas informacion riba e feria, e mision comer- cial y con bo por partici- pa. Participacion na e anochi informativo ta completamente gratis y sin compromiso.



demia and Diplomacy" organiza pa Rotterdam School of Management di Erasmus Universidad conhunto cu embahada di Italia.

E evento aki tabata alavez den cuadro di despedida di Giorgio Nocello como emba- hador di Italia na Re- ino Hulandes. Minister Plenipotenciario demi- sionario mr. Ady Thijsen a asisti na e evento aki riba invitacion spe- cial di embahada di Ita- lia.

E evento a cuminsa cu un introduccion di profesor Stefano Tas- selli, sigui pa un key- note speech di emba- hador di Italia Giorgio Novello, titula: "The T.E.M.P.L.E. Approach: At the C.U.T.ting Edge of International Relations – A Diplomat's Toolkit at a Glance."

Novello a ricibi e Hon- orary Fellowship di Erasmus Centre for Business Management in Health and Life Sci- ences.

Na final tabata tin un recepcion como des- pedida pa embahador Novello. Na e ocasion aki Minister Plenipo- tenciario demisionario mr. Ady Thijsen a haci entrega di un cuadra di e Fofoti di Aruba como recuerdo y aprecio pa e cooperacion hopi grandi entre embahada di Italia na Hulanda y Gabinete di Minister Plenipoten- ciario. Embahador No- vello a gradici Minis- ter Thijsen pa e bunita regalo y a bisa cu e ta termina su periodo na Hulanda cu un afeccion y aprecio hopi grandi pa e isla di Aruba. E potretnan ta cortesias di Arubahuis.

Veenendaal ta acepta oficialmente catedra di Relacion di Reino cu discurso inaugural

ORANJESTAD (AAN):

Prof. dr. Wouter Veenendaal, profesor di Relacion di Reino y profesor asocia den politica comparativo na Universidad di Leiden, riba Dialuna, a tene su discurso inaugural. Veenendaal a tene e discurso inaugural aki como titular di e catedra di Representacion Democratico den Reino. Aña pasa ministerio di Asuntonan Interno y Relacion di Reino (BZK) a instala e catedra aki.

Agenda di investigacion: Durante su discurso titula 'Riba pia igual? Escala y democracia denter di e relacionnan den Reino' Veenendaal a profundisa mas den e diferente componentenan di su agenda di investigacion como titular di catedra.

Pa e catedra, Veenendaal a formula 2 meta: garantisa y amplia investigacion tocante Reino y Relacion di Reino, y promove cooperacion riba tereno di investigacion y enseñansa cu universidad- y científiconan riba e islanan Caribeense.

Pa logra e ultimo meta aki, Veenendaal ta reclutando tres asistente di investigacion local na Aruba, Curaçao y Sint Maarten.

Den e añanan benidero nan



lo bay haci investigacion hunto cune como team di investigacion di Reino completo.

Cuatro liña di investigacion: Durante su discurso inaugural Veenendaal a splica e 4 liñanan di investigacion di su catedra, cu e ta spera di bay establece.

Esakinan ta: politica y democracia riba e islanan Caribeense den Reino mes; representacion democratico di e islanan Caribeense den Reino; con ta experiencia Relacion di Reino na Hulanda Europeo;

y investigacion comparativo riba otro areanan no-soberano.

Encuesta di opinion: Durante su discurso Veenendaal a anuncia ademas e prome resultadonan di un encuesta di opinion cu el a laga haci bou di Hulandesnan Europeo den preparacion pa su discurso inaugural. A conduci e investigacion bou di e grupo di experto renombra di LISS di Universidad di Tilburg.

Mas of menos 2,700 persona a participa den e encuesta aki y a contesta diferente pregun-

ta di conocimiento y opinion tocante Reino. Ta pa prome biaha cu a tene un encuesta di opinion di e magnitud aki na Hulanda tocante Reino.

Imagen mas positivo: E resultadonan di e encuesta di opinion aki ta demostra cu Hulandesnan Europeo sa poco tocante Reino y relacion di Reino. Solamente un cuart ta bisa cu nan ta na altura di esaki.

Toch nan tin un imagen mas positivo di Relacionnan di Reino cu hopi biaha ta pensa. Asina por ehempel un mayoria ta di opinion cu habitantenan di e islanan mester ta liber pa sigui muda pa Hulanda y cu Hulanda tin un obligacion moral pa percura pa e islanan.

E grupo mas grandi ta opina tambe cu Hulanda mester sostene e islanan financieramente y cu habitantenan di Hulanda Caribeense mester tin e mes beneficianan social cu na Hulanda Europeo.

Hopi ceremonia: Formalmente e discurso inaugural a sirbi como aceptacion di Veenendaal su funcion como profesor special recién nombra.

Un discurso inaugural ta un evento importante cu

hopi ceremonia. Manera ta costumber otro profesornan tabata presente, tur bisti den nan toga.

Comision di guia: E asina yama comision di guia pa e catedra, yama tambe curatorio, ta consisti di presidente Marja Spierenburg, profesor di antropologia di desarojo duradero y medionan di existencia na Universidad di Leiden, Gert Oostindie, profesor emerito di historia colonial y post colonial na Universidad di Leiden, Tom Louwerse, profesor asocia di ciencia politico y director di investigacion di Instituto di Ciencia Politico di Universidad di Leiden y Saskia de Reuver, Director di Relacion di Reino di Paisnan di ministerio di BZK.

Desarojo di conocimiento: De Reuver a felicita Veenendaal na nomber di directorado-general di Relacion di Reino y ministerio di BZK.

'E catedra cu Wouter Veenendaal ta ocupa ta hopi importante pa desarojo di conocimiento den y tocante Reino. Ta maravioso pa mira cu Wouter ta atendiendo e encargo aki cu asina tanto entusiasmo y profesionalismo.

Lansamento oficial di Plataforma Pashentnan di Aruba



ORANJESTAD (AAN): Dia 28 di februari a tuma lugar e lansamento oficial di Plataforma Pashentnan di Aruba. Sr. mr.dr. Jayburtt Dijkhoff cu ta presidente di Fundacion SIKI a enfatisa cu esaki ta un evento historico pa Aruba.

Ta trata di un plataforma unda cu tur pashent di Aruba por expresa nan preocupacion- y remarcanan pa asina contribui na un mihor cuidado medico. Fundacion

SIKI ta un organisacion non-profit cu ta boga pa empodera e individuo y stimula cambio social positivo. E ta haci esaki a traves di curso, investigacion y actividadnan cu ta trece cambionan constructivo den sociedad.

Un tema di enfoka di e fundacion ta e derechonan di pashent. A publica un buki y a duna hopi charla gratis pa stimula esaki, pero a yega tempo pa bay pa e siguiente

nivel. P'esey a yega na un plataforma di pashent. Aruba no ta cla ainda pa un asociacion of federacion, pero si ta cla pa participa y contribui den un forma liber y igual pa tur persona.

E plataforma ta logra su funcion pa medio di 3 punto: 1) un vocero pa pashent, 2) un plataforma digital y 3) centralisa e organisacionnan di pashent. Sr. Dijkhoff a presenta e vocero di Plataforma Pashentnan di Aruba, kende ta sra. Nurianna Arias. Sra. Arias ta un docente den manejo administrativo na Universidad di Aruba, ta studiando pa su PhD, y ta un activista pa cuidado di diabetes y pashentnan en general pa hopi aña.

E escohencia pa un profesional di e caliber aki no tabata dificil, special-



mente mirando e pasion cu sra. Arias tin pa e pashent y su cuidado. Sra. Arias lo fungi como e bos di e pashentnan di Aruba den cuadro di combersacion y dialogo cu entre otro 'Kwaliteitsraad' di Gobierno y otro entidad di salud di Aruba.

E Kwaliteitsraad ta un organo nobo den cual tur reglanan tecnico y consehonan importante tocante cuidado di salud ta wordo formalisa.

Awor e Plataforma

Pashentnan di Aruba ta drenta e fase di sigui plama e noticia aki y encurasha tur hende pa join e grupo aki riba Facebook groups: Pashentnan di Aruba. Tambe lo bay planea pa invita tur e organisacionnan di pashent join un otro canal di e plataforma.

Adicionalmente ta preparando pa acerca hendenan grandi cu no tin facebook pa join via un canal alternativo. Esaki lo wordo anuncia pronto.

DEPORTE INTERNACIONAL

Jokic a anota 35 punto y Nuggets a tuma revancha riba Thunder



OKLAHOMA CITY: Recientemente Oklahoma City Thunder a gana Denver Nuggets facilmente, pero Dialuna anochi Nikola Jokic a percura pa esey no sosode un biaha mas.

Jokic a caba cu 35 punto, 18 rebounds y 8 asistencia, pa yuda Denver gana OKC 140-127.

Jamal Murray a contribui tambe pa Nuggets cu 34 punto y 6 asistencia, mientras cu Michael Porter a termina cu 17 punto y 6 rebounds. Maximo anotador pa Thunder tabata Luguentz Dort cu 26 punto y 7 asistencia, mientras cu Shai Gilgeous-Alexander a contribui cu 25 punto y 7 asistencia.

Cole a haci ciruhia Tommy John y ta bay perde e temporada completo



NEW YORK: Pitcher habridor principal di New York Yankees Gerrit Cole no ta bay por picha e temporada aki mas.

E club a anuncia Dialuna cu Cole tin mester di ciruhia Tommy John pa repara su elleboog.

E operacion a wordo poni pa wordo haci Diamars na Los Angeles.

E pitcher di 34 aña a keha cu e tabata sinti dolor despues cu el a

permiti 6 careda limpi den 2 inning y 2 tercio den un wega di Spring Training riba 6 di Maart contra Minnesota Twins.

El a haci algun test riba e elleboog, despues di cual el a bay bishita experto Dr. Neal ElAttrache pa un di dos opinion.

El Attrache mes a haci e operacion.

Sin LeBron Lakers a perde contra Nets



BROOKLYN: Los Angeles Lakers tabata sa cu hungando sin LeBron James nan weganan lo ta menos facil pa gana, pero nan tabata spera di sikiera gana Brooklyn Nets Dialuna anochi.

Sinembargo, Nets a logra gana e wega 111-108.

James ta bay ta pafo di accion pa alrededor di 2 siman y esey ta pone cu e weganan dificil cu ta na caminda, ta bay ta mas dificil ainda.

Gabe Vincent tabata maximo anotador pa Los Angeles cu 24 punto, mientras cu Luka Doncic a contribui cu 22 punto, 12 rebounds y 12 asistencia.

El a logra anota 3 di su 10 intento nan di 3 punto.

Di otro banda maximo anotador pa Brooklyn tabata Noah Clowney cu 19 punto y 5 rebounds.

Cameron Johnson y Keon Johnson a contribui pa Nets cu 18 punto cada un.

FC Barcelona a gana Benfica y ta pasa pa quart final di Champions League



BARCELONA: Despues di gana e prome wega di octavo di final di Champions League siman pasa 1-0 contra Benfica, FC Barcelona Diamars hungando na cas no tabata tin mucho problema cu e ekipo Portuguez.

Na final Barcelona a gana e wega 3-1 y esey ta nifica cu nan ta pasa pa quart final di e torneo.

E prome gol di e ekipo Spaño a wordo anota pa Raphinha den di 11 minuut y apenas 2 minuut despues Nicolas Otamendi a empatata e wega pa Benfica.

Den di 27 minuut sinembargo Lamine Yamal a anota e 2-1 pa Barcelona y pa sigura e triunfo Raphinha a anota un biaha mas pa e ekipo Catalan den di 42 minuut.

Pa di 8 año consecutivo Aruba a celebra Dia di Hende Muhe cu un conferencia inspirativo



ORANJESTAD (AAN): Diasabra cu a pasa, den un sala completamente yen, Gobierno di Aruba hunto cu nos hende muhenan presente a celebra Dia Internacional di Hende Muhe. Pa Gabinete Wever-Croes e dia aki ta uno sumamente importante y special y p'esey pa di 8 año consecutivo ta celebra e dia aki den grandi cu un conferencia dedica na nos hende muhenan.

E conferencia a inicia e atardi aki cu un bunita cancion Gospel "Bo ta Santo" canta pa Eltienne Yarzagaray. Sigur un cancion hopi emocional cu a "touch" curason di tur nos hende muhenan den e sala.

Despues di a worde deleita cu e cancion bunita aki, esnan presente por a disfruta di un discurso inspirativo di Prome Minister di Aruba Evelyn Wever-Croes. Den su discurso e mandatario a enfoca riba e topico di liderazgo pa femenino y e importancia pa prepara nos mucha muhenan

pa por asumi posicionnan di liderazgo den futuro. Un discurso hopi detaya na unda Prome Minister a conta hopi di su mesun experiencia personal, y comparti e 4 areanan cu ta yud'e crea un balans den su bida.

E conferencia a sigui cu un bunita presentacion di Parlamento Hubenil, sigui pa un panel consistiendo di 4 ser femenino profesional, Parlamentario Shailini Tromp-Lee, Cynthia Quant Project Manager di Fundacion Contra Violencia Relacional, Susanita La Bella cu ta propietaria di Aruba Experience Café, y Ankie Danker cu ta directora di EPI. Nan a elabora riba e topico di empoderamento den bida real, y e pregunta na nan tabata cua ta e reto di mas grandi den bida y trabao cu nan a enfrenta y con nan a sobrepasa esaki.

Prome di a tuma un break, a presenta un video inspirativo di Anabel Lurainne Leon, cu ta un influencer Arubiano biba na merca, hopi conoci



y stima pa e comunidad di Aruba. Den su video, Anabel a trece un bunita mensahe pa tur e hende muhenan cu tabata presente.

Despues di un break cortico unda esnan presente por a disfruta di algo di bebe y come, a sigui cu e presentacionnan di Aruba su Minister di Finanzas Xiomara Maduro, Señora Jennifer van der Biezen cu ta un coach & percussionist, Señora Jeannely Everon cu ta un cancer survivor, Señora Anouk Eman Miss Universe Aruba y Señora Belkys Moreau cu ta un motivational speaker.

E conferencia aki a conta cu un sala completamente yen, na unda un cantidad grandi di nos hende muhenan a bin hunto pa celebra nan dia special. Prome Minister ta gradici tur esnan cu pa añanan a sostene e conferencia importante aki cu ta Diamonds International, Crown Aruba, Romar Trading, y Aruba Tourism Authority. Tambe Prome Minister ta gradici e motor tras di evento aki cu ta Sandra Suarez, tur esnan cu tabata presente y esnan cu a traha duro pa haci e evento aki un exito total.



Orario di servicio

Diabierna 14 maart 2025

En connexion cu un reunion obligatorio pa su empleadonan, Banco Central di Aruba (BCA) ta informa cu e lo ta **sera pa publico dia 14 maart 2025 entre 8:30 di mainta pa 12:30 di merdia**. BCA lo ta habri bek pa publico na e horario usual parti atardi entre 1:00 di merdia pa 5:00 di atardi.

Aruba, 12 maart 2025
Banco Central di Aruba



SUPER CARD SUPER DEALS



COMFORT
CLASS

IMAX

VIP

Monday
Thursday

8.00^{AWG}

10.00^{AWG}

11.00^{AWG}

Friday
Sunday

9.00^{AWG}

11.00^{AWG}

12.00^{AWG}

**BEST CINEMA AT
THE BEST PRICES!**

Sign up today at any **The Movies** location
and **start enjoying great benefits!**

Riba 18 di Maart Raymundo Dijkhoff ta bay tene charla interesante cu nificacion historico importante



ORANJESTAD (AAN):
Riba 18 di Maart Museo
Arqueologico Nacional
Aruba (MANA) ta bay
tene un actividad yama
Union Cultural y durante
e actividad aki hefe di
Departamento di Ciencia
di MANA, Drs. Raymun-
do Dijkhoff, ta bay tene
un charla.

Den un entrevista cu DI-
ARIO Dijkhoff a splica
cu e lo papia riba Santana
Santa Cruz 35 cu ta un
serie di ciclo, di cual el a

duna un charla caba riba
Dia di Betico.

“Den prome charla mi a
trata e experiencianan, e
diferente excavacionnan
y e impacto enorme cu e
‘research’ aki tabata tin,
pasobra e excavacionnan
cu a tuma lugar na 2001,
2012 y 2016 ta cambi-
ando historia di Aruba, di
e region, di e continente
Mericano y di full mun-
do”, segun e arqueologo.
El sigui bisa cu dia 18 di
Maart e lo repasa breve-

mente local el a papia di
dje den e prome charla,
despues di cual e ta bay
papia riba e ‘background’
arqueologico y historico
di Santana Santa Cruz
35, pasobra e ta fecha
1620-1810 y nunca docu-
menta.

“Mi ta bay papia despues
di e colonizacion y e
tradicionalnan di entierro,
como tambe e teoria y
mitologia su tras, pa e
hendenan haya un ‘inside
look’ den arqueologia, pa
mustra con nos ta yega na
nos conclusionnan, anali-
sis etc.”, segun Dijkhoff.
El a sigui bisa cu e ta
bay repasa tambe e data
demografico y e datonan
funerario, pa muestra en-
tre otro con e personanan
a wordo dera, pa ilustra e
cultura di e morto di e in-
digenanan.
Dijkhoff a indica cu un



parti interesante cu e lo
papia di dje ta e manera
con Spañonan e tempo ey
a wordo dera hunto cu in-
digenanan y kico esaki ta
nifica.

Esaki mirando cu na nin-
gun otro parti di mundo
cu e Spañonan a coloniza,
e Europeonan a wordo

haya dera hunto cu indi-
genanan.

“E tempo ey esaki no ta-
bata permiti pero na Aru-
ba si, pasobra e Caiquetio
tabata e unico indigena di
un status protehi, pasobra
e tabata indigena di coro-
na Real”, segun Dijkhoff.



Noticianan for di Hulanda

Persona di Syria (20) deteni na Apeldoorn pa planea atentado terrorista



APELDOORN: Diamars De Telegraaf a reporta cu Diabierna na Apeldoorn un persona di Syria cu ta biba na Rotterdam, a wordo deteni.

E homber di 20 aña ta wordo sospecha di participacion na un organizacion terrorista y planea un atentado terrorista.

Esaki polis a duna di conoce Diamars.

E homber a wordo deteni pa e asina yama Dienst Speciale Interventies, despues cu cuerpo policial a ricibi un tip for di exterior.

Dialuna e detencion di e sospecho so a wordo prolonga cu 2 siman. Ministerio no a bisa si e detencion aki tin di haber cu un menaza terrorista contra 'Festival der Liebe' den Ahoy Rotterdam den fin di siman cu a pasa.

Cantidad record di melding anonimo despues di explosionnan na Den Haag y Rotterdam



AMSTERDAM: E fenomeno di explosion na Hulanda te ainda no a bria menos y pa purba para e actonan criminal aki y purba gara esnan responsabel, autoridadnan Hulandes a cumenza pidi hende pa bin cu tips.

Tur cos ta anonimo y awor autoridadnan a cumenza hahay hopi tip. Especialmente desde tabata tin ca-

sonan fatal na Tarwe Kamp na Den Haag y na Schammenkamp na Rotterdam, un cantidad record di tip a drenta.

Cerca Mled Misdaad Anoniem, na 2024 mas cu 50% mas tip a drenta riba atentadonan, unda cu a duna informacion entre otro riba explosivonan, materia prima y bende-mento di vuurwerk ilegal.

Turista Hulandes perdi na Italia a wordo haya bek

El a dwal den seronan



ITALIA: Un turista Hulandes cu tabata perdi na Italia, a wordo sal- ba pa un team special di alpinista. E Hulandes a bay riba un 'hike' y a perde den un area di sero cerca di Magliano Nuovo, den parti zuid di Italia.

Durante cu e homber tabata cana keiro, el a perde su orientacion y a

dwal den e area cu ta forma parti di un parke nacional.

Ora cu e turista a yega un brug bieu el a bati alarma.

Danki na e informacion di e central di coriente Georesq na Cassano Irpino, e trahadornan di emergencia hunto cu polis y boluntarionan local a logra localiza e homber.

Universidad di Amsterdam (UvA) ta preocupa cu desaparicion di estudiante Luo (23)



AMSTERDAM: Studentenan na Amsterdam ta bastante preocupa, debi na desaparicion di estudiante Luo Shengmen.

Pa dos siman caba e studentenan ta buscando nan colega di estudio tur caminda, despues cu parece cu el a desaparece for di tera diripiente.

Shengmen ta un estudiante Chines di 23 aña cu ta biba den capital di

Hulanda y ta estudiante na Univer- siteit van Amsterdam (UvA).

Polis ta considera desaparicion di Shengmen como algo urgente.

Miembronan di su famia logica- mente ta hopi preocupa y nan a dicidi di biaha pa Hulanda pa yuda cu e buskeda.

Cu Shengmen lo a regresa China por wordo descarta.

Noticia Internacional

INTERNACIONAL

NOTICIA FOR DI COLOMBIA

PRESIDENT PETRO A ORDO CUMpra GAS DI QATAR

BOGOTA: E siman aki president Gustavo Petro a expresa su disgusto pa e prijs cu ta bende gas na Colombia. El



a bisa cu e sistema di prijs di gas ta un speculation puro unda kier bende gas di Colombia mes, pero na nivel di prijs di gas importa. Ademá pa colmo, gas importa ta wordo

bendi na Colombia na nun nivel hopi mas halto compara cu e prijs internacional. E ta considera aki cu tin ladronia, y pesey a caba di tuma decision, pa e compania estatal Ecopetrol interveni den e importacion di gas, y pa nan cumpra esaki awor for di pais Qatar. Di su parti, e monopolio di importacion di gas (prohibi pa Constitucion) ta bay stop! Unico cos cu e no a bisa ta entrante ki dia lo bay cuminsa cumpra gas di Qatar, y tampoco kico e nivel di prijs lo bay ta pa Colombianonan.

SECURITY A STROBA DOS MUHE DI BAY CU PLACA

MEDELLIN: E plan di dos muhe pa nan droga turistanan den nan Airbnb y despues horta nan placa a fracasa,



y tur esey danki na un Security Guard atento. E biaha aki esaki a socede na Provenza, na El Poblado, unda dos turista masculino di nacionalidad Mericano

cano di 50 y 53 aña di edad, a yega na e Airbnb acompaña pa dos muhe cu apenas algun minuut prome nan a conoce personalmente na un Shopping Center. Nan cuatro a prepara un cita via Social Media, y nan a drenta den lobby di e edificio y a informa e Security cu nan ta bay cu nan na e Airbnb cu nan a huur. E muhernan a bisa cu nan lo keda henter anochi. E ultimo declaracion aki tabata clave pa activa alarmanan. Ni 4 ora despues, e muhernan a baha di e Airbnb y a bisa e Security cu nan a dicidi pa no keda. Pero e Security Guard a sospecha cu algo a socede, y mesora a cera e porta cu auto-lock pa asina nan no por sali. Ora cu nan a ripara cu nan a wordo atrapa, e dos muhernan di 20 y 23 aña di edad a purba na soborna e Security. Den nan man nan tabatin dos Laptop computer, cinco smartphone, y prenda cu a wordo balora na mas di 5 mil Dollar. Tambe nan tabatin como 30 credit card y debit card. Pero a bati alarma na Polis, y autoridad a yega y detene e muhernan. Demas agentenan a bay na e Airbnb, y a bin topa cu e dos hombernan completamente desorienta y bao efecto di droga pisa, kizas ta escopolamina. E dos muhernan procedente di Sabaneta y Medellin a wordo hiba dilanti Fiscal Auxiliar, kende a duna ordo pa nan keda deteni. Apenas dia 17 di Februari cu a pasa, otro Security Guard a stop un crimen similar na Medellin. E anochi ey ta un muher di 49 aña a drenta un Airbnb na bario Villa Carlota cu un homber. Poco despues el a sali di e lugar cu maleta den man, cu a alerta e Security cu mesora a auto-lock e portanan, y a yama Polis. Den poder di e muher a haya un potchi cu un substancia kimico, cu el a usa pa droga e homber, y asina horta tur cos di dje.

Ex-presidente Rodrigo Duterte a wordo aresta na Filipinas acusa pa Corte Internacional di crimennan contra humanidad



MANILA: Ex-presidente di Filipinas, Rodrigo Duterte, (2016-2022) kende ta conoci pa implementa cu guerra sangriento contra narcotrafico, cu a laga miles di morto den e pais, a wordo deteni diamars, despues cu el a wordo acusa di crimennan contra humanidad.

Polis filipino a aresta Duterte den e avion cu e ex-mandatario a regresa Manila despues di un biahe na Hong Kong, segun un orden di detencion emiti pa Corte Penal Internacional

(CPI).

Duterte, di 79 aña y cu a presenta dificultad pa cana, a wordo escolta pa autoridadnan desde porta di e avion.

E caso ta origina cu desde cu el a asumi poder, dia 30 di juni 2016 y pa un mandato unico di seis aña, cuando Duterte a implementa su promesa electoral di eradica droganen den e pais y a permiti polis mata supuesto adicto y narcotraficantenan.

E cifranan di morto durante e campaña violento

antidroga a varia notablemente entre esnan oficial, cu a indica mas di 6.200 victima mortal, y di organisacionnan defensor di derechonan humano, cu a cifra e morto entre 27.000 y 30.000.

Su guerra contra droganen, vincula den varios caso na asenatonan di parti di gruponan di vigilantenan arma cu a actua bao di aparente impunidad, a valida un investigacion contra Duterte di parti di CPI pa supuesto crimennan di lesa humanidad, cu a deriva den e detencion di diamars.

-Regreso na politica

E ex-lider, conoci pa su declaracionnan polemico durante su mandato, kier a regresa politica y a presenta como candidato pa alcalde di Davao, ciudad di Mindanao, pa eleccion di 12 di mayo.

Trump a adverti NATO: Merca no lo defende paisnan cu no ta inverti den defensa

WASHINGTON: Presidente di Merca, Donald Trump, a adverti miembronan di NATO cu, si nan no compromete na fondonan pa nan mesun defensa, su pais no lo defende nan, loke ta nifica un violacion di Artículo 5 di e Tratado. Den declaracionnan na prensa na Cas Blanco, Trump a afirma cu miembronan di NATO ainda no ta paga suficiente y a asegura cu nan a comunica na varios pais cu nan no lo defende nan si nan ta "pover" den nan contribucionnan.

Segun canal NBC, Trump ta considerando cambia e manera significativo e manera cu Merca participa



den NATO.

E mandatario ta evaluando ahusta e compromiso mericano cu e Aliansa pa faborece paisnan cu si ta cumpli cu gasto den defensa.

Den su declaracionnan na prensa, Trump no a menciona explicitamente e posibel cambionan, aunke a reitera su postura cu Washington no lo protege

paisnan cu no ta inverti den nan seguridad, algo cu por causa duda den compromiso di defensa colectivo di NATO.

NATO a establece como obhetivo cu cada miembro destina por lo menos 2 % di nan GDP den nan defensa, un cu ocho di 32 pais miembro di e Aliansa no ta cumpli cu ne.

Noticia Internacional

Marco Rubio a felicita Ramdin y a avisa cu Venezuela, Cuba y Nicaragua ta un “menasa”



WASHINGTON: Secretario di Estado di Merca, Marco Rubio, a felicita Albert Ramdin di Surinam, cu a wordo elegi como Secretario General di Organizacion di Estadonan Americano (OEA), y a avisa cu gobiernonan di Venezuela, Cuba y Nicaragua ta un “menasa” regional.

“Mi ta spera di por traha cu Secretario General electo Ramdin pa defende mision fundamental di OEA di defende democracia, promove y protege derechonan humano, como tambe promove seguridad y

prosperidad economico”, segun hefe di diplomacia mericano den un comunicado.

Rubio a señala cu estabilidad di e continente ta “vital” pa administracion di Donald Trump por haci cu “Merca ta un pais mas safe, mas fuerte y mas prospero”.

“Nos ta comprometi na reforsa aliansanan cu socionan democratico pa enfrenta retonan regional, specialmente migracion ilegal, crimen transnacional y regimen autoritario corrupto di Cuba, Venezuela y Nicaragua”, el a en-

fatisa.

“E menasanan ta pone den peligro tanto nos interes di seguridad nacional manera nos estabilidad economico”, el a agrega.

Rubio a anuncia cu Merca lo impulsa “reformanan institucional pa mehora eficiencia y eficacia di OEA”.

E tambe a señala cu sostenibilidad financiero di OEA, cu Merca ta e mayor donante, ta “un preocupacion critico y un responsabilidad comparti” di tur miembro.


Rubio a felicita Secretario General saliente, e uruguayo Luis Almagro, “pa su firme liderazgo y defensa di democracia” y pa tabata un “bos fuerte den lucha contra influencia di regimennan antidemocratico na Venezuela, Nicaragua y Cuba”.

Rusia a expulsa dos diplomatico britanico for di embahada na Moscu

Rusia a anuncia dialuna cu nan lo expulsa dos diplomatico britanico cu sede den embahada na Moscu debi na acusacionnan di spionahe cu Reino Uni a considera como “malicioso y sin fundamento”.

Servicio Federal di Seguridad di Rusia, of FSB, a declara den un comunicado cu dos diplomatico a proporciona datonan personal falso na momento cu nan a solicita permiso pa drenta e pais y a participa den actividadnan di inteligencia y subversivo cu a menasa seguridad di Rusia. Nan no a ofrece ningun prueba.

Segun e informe di RIA Novosti, a tuma e decision di kita e acreditacionnan di



e diplomaticonan y a duna nan orden pa bandona Rusia den un plazo di dos siman.

Ministerio di Asuntonan Exterior di Rusia a indica den un comunicado separa cu nan a convoca un funcionario di embahada britanico. “Moscu no lo tolera actividadnan di funcionaronan di inteligencia britanico no declara den

teritorio ruso”, nan a enfatisa.

Den un comunicado di Oficina di Asuntonan Exterior na London a indica cu “esaki no ta prome biaha cu Rusia ta haci e tipo di acusacionnan malicioso y sin fundamento contra nos personal”. Nan no a indica si Reino Uni a planea algun medida di represalia.

INTERNACIONAL NOTICIA FOR DI VENEZUELA

CANDELANAN GRANDI DI MONDI NA DOS ESTADO

GUANARE: Candela a destrui como 40% di e superficie di Parque Nacional Mitar Nakichenovich, cu ta



wordo yama e pulmon vegetal di e ciudadnan di Acarigua y Araure, den un ultimo candela di mondi raporta Diadomingo eyan. Pa varios ora te cu Dialuna mar-

duga, Bomberonan a keda basha awa pa stop e vlamnan cu a destrui como 250 di e mas di 615 hectare cu ta cay bao di e proteccion special di naturaleza. Ta cantidad di candela di mondi ta wordo detecta den e zona protector aki, y tambe den otro parti di mondinan na estado Portuguesa, den e intenso calor aki caminda hopi mata y tereno ta seco. Bomberonan a usa como 120 mil liter di awa. Awor na estado Aragua tambe tin cantidad di candela di mondi, incluyendo uno na sector El Progreso. Hasta riba potret di satelite por mira e vlamnan aki.

TRES POLIS ARESTA PA DAL BOXEADOR AQUILES

BARCELONA: Tres Polis di estado Anzoategui a keda deteni, despues cu nan a wordo denuncia pa supuesto




actitud agresivo y uso innecesario di arma contra e ex-campeon mundial di Boxeo, e legendario Aquiles Guzmán Matute y su yiu homber. E tres oficialnan di Polis aki cu ta cay bao di Warda di Polis El Tigre, a wordo identifica como Jesús Rafael Figueroa Lopez di 31 aña, Jose Manuel Padron

Liseth di 25 aña, y Miguel Gonzalez Jimenez di 22 aña. E agresion contra e idolo deportivo aki a sali na cla riba un video cu a circula, cu a wordo graba door di boxeador Aquiles mes, y el a pone esaki riba social media y a spli- ca tur loke a socede. Despues el a bay na Fiscal, unda a haci denuncia y asina e investigacion a cuminsa.

LO BAY ELIGI OCHO DIPUTADO PA ESEQUIBO

CARACAS: Diosdado Cabello a confirma, cu ademas di un gobernador, Venezuela lo bay eligi dia 25 di Mei



venidero, un total di ocho diputado pa Esequibo, cu ta e territorio den disputa cu Guyana. Durante un conferencia di prensa, el a bisa cu e aña aki pa prome biaha nan ta bay escoge 285 Parlamentario cu nan

suplente pa Asamblea Nacional, y agrega e diputadonan pa Guayana Esequiba. Cabello a keda ripiti cu Esequibo ta territorio cu pertenece nan nan. “Tur loke tin banda west di Rio Esequibo ta pertenece na Venezuela”. Aki ta referi na e 160 mil kilometer cuadra rico na petroleo y demas recursonan natural cu nan ta disputa cu Guyana.

GRANAT A EXPLOTA MATANDO TRES MUCHA

SAN JUAN DE LOS MORROS: Tres mucha, di cual dos di nan ta ruman, a muri ora cu un granat di fragmento cu nan a bin haya den patio di un cas na barrio San Jose na municipio Pedro Zaraza na estado Guarico, a explota. E caso a socede den oranan di atardi, y autoridad a identifica e victimanan como Beila Giselle Balsa Sosa di 3 aña, Dylan Jhosue Bello Sosa (ruman di e mucha muhe), y Edgard Mateo Tovar Aular, ambos di 6 aña. E mamanan a bisa cu e muchanan tabata hungando den patio di un di e casnan, y ora a tende un explosion fuerte a bira bin haya e muchanan herida abao na suela.

Noticia Internacional

Polis a aresta estudiante di Florida cu a publica un video cu armanan menasando cu un tiramento na scol



FLORIDA: Departamento di Polis di Sanford a aresta Timothy A. Thomas, un estudiante di 17 aña, pa su supuesto participacion den un menasa di tiramento escolar na Florida. Segun polis a informa den un comunicado, Thomas a wordo identifica como e autor di un video, na unda el a mostra su 'coleccion' di armanan y un vest tactico, haciendo menasanan dirigi contra Seminole High School.

Segun un comunicado emiti pa autoridadnan, despues di haya un denuncia anonimo, e investigadornan a logra identifica e hoben y a localisa su domicilio. El a wordo deteni sin incidentenan y acusa di intimidacion pa medio di un menasa skirbi of electronico di tiramento masivo of acto di terrorismo.

Den e grabacion, e hoben, cu na prome instante no a wordo identifica, a menasa cu dispara Seminole High School, situa na Sanford, Florida.

E video a causa alarma entre autoridadnan, ya cu por a wak un cantidad grandi di armanan y otro articulonnan preocupante. Polis di Sanford, den colaboracion cu otro agencianan local y federal, a actua di inmediato pa identifica y detene e sospechoso.

Durante e detencion di Timothy A. Thomas, e agentenan a confisca var-

ios arma na su cas. No obstante, polis a aclarea despues cu tabata trata di 'armanan' Airsoft cu tin un alto grado di realismo. A pesar cu e armanan no tabata di berdad, e menasa a wordo tuma cu total seriedad debi na e naturalesa di e video y violencia den scolnan.

Lidernan di Caricom a defende contratacion di dokternan cubano a pesar di restriccioannan di Merca

Varios lider di Comunidad di Caribe (Caricom) a defende contratacion di dokternan cubano a pesar di restriccioannan imponi pa Merca, y a nenga cu ta trata di explotacion laboral y alegando cu nan sistemanan di salud lo collapse sin e dokternan aki.

"Nos ta depende den gran medida di specialistanan den atencion medico cu nos a obtene di India, Filipinas y principalmente di Cuba a lo largo di decadanan", segun Prome Minister di Trinidad y Tobago, Keith Rowley, segun declaracionnan publica diamars den medionan local. Otro lidernan cu a expresa



recientemente riba e tema ta Prome Ministernan di Saint Vincent and the Grenadines, Ralph Gonsalves, y di Antigua y Barbuda, Gaston Browne. Luna pasa, Merca a anuncia cu nan a amplia e ac-

tual restriccioan na visanan imponi contra esnan cu ta beneficia di e "explotacion laboral" di trahadornan cubano den exterior, manera esnan implica den misionnan medico.

Departamento di Estado a indica cu e politica amplia ta aplica tambe na funcionarios di gobiernonan stranhero cu nan ta kere ta responsabel of cu ta involucra den dicho programa di "explotacion" di man di obra. "Diripiente nan ta yama nos traficante di persona, nan a acusa nos di participa den programa cu ta explota hende. Esaki ta e interpretacion di un hende", Rowley a denuncia.

Merca a bolbe lansa nan app di CPB pa migrante y agrega funcion 'auto-deportacion'

WASHINGTON: Gobierno di Merca a reemplaza e aplicacion CBP One cu CBP Home, un plataforma cu ta permiti migrantenan sin status legal notifica nan intencion di auto-deporta. E medida, impulsa pa administracion di presidente Donald Trump, ta forma parti di un e plan pa reforsa politicanan migratorio y a genera varios reaccion. Segun Departamento di Seguridad Nacional (DHS), e aplicacion CBP Home lo permiti migrantenan na Merca sin documentacion legal informa nan decision di bandona e pais sin intervencion di autoridadnan. E aplicacion ta reemplaza CBP One, un aplicacion crea na 2020 bao administracion di Joe Biden cu ta permiti solicitantenan di asilo programa citanan den puntonan di entrada. DHS a splica cu e aplicacion "lo restaura integri-



dad di e sistema migratorio" y lo reduci e gastonan di aplicacion di e ley. "Si nan mes no haci esaki, nos lo bay busca nan y deporta nan. Nan no lo bolbe hama", Secretaria di Seguridad Nacional, Kristi Noem, a expresa den un comunicado.

E lansamento di CBP Home ta marca den un campaña publicitario di gobierno di Merca, balora den 200 miyon di dollar. Bao lema "Stay Out and

Leave Now", e obhetivo di e campaña ta desincentiva inmigracion iregular y adverti migrantenan riba e consecuencianan di keda den e pais sin status legal. -E suspension di aplicacion CBP One

E aplicacion CBP One a wordo cera bao orden di presidente Trump riba mesun dia cu el a asumi poder. Durante administracion di Biden, e aplicacion a permiti mas di un miyon di migrante na Mexico solici-

ta citanan na frontera pa tramita su entrada legal.

Sin embargo, gobierno di Trump ta argumenta cu uso di CBP One a facilita un migracion masivo, y a dicidi suspende esaki.

DHS a expresa cu CBP Home lo facilita trabao di Servicio di Inmigracion y Control di Aduana (ICE) permitiendo migrantenan sin documentonan opta pa un salida voluntario na lugar di wordo deteni of deporta pa forza.

Rosario Bibo riba Diahuebs 13 di maart na kapel di Alto Vista

ORANJESTAD (AAN): Diahuebs 13 di Maart tin otro Rosario Bibo na kapel di Alto Vista cuminsando pa 7 or y mey di



Bibo y hunto lo resa pa tur intencion particular y general.

Un invitacion na tur hoben y adulto pa asisti na e Rosario Bibo diahuebs awo 13 di maart, pa 7 or y mey di anochi na kapel di Alto Vista.

Pa chica Pos - Habri tubería y wc. Servicio lihe y confiabel.
Experiencia ta manda
CICLONE
Septic Tank Service
Tel: 564-0607 / 734-0607

TIRA SUSHI AFO
Chapi, verf, corta mata, plumbing, pega tegels, maintenance. Dialuna pa Diadomingo, Whatsapp: 561-1397

CONSTRUCCION REMODELACION
Nos ta traha y drecha tur sorto di dak: shingle, eterniet, panchi, zink. Pega bloki, tegels, plafond, pleister, pone porta, lanta cura, basha vloer, construccin di cas y apto bon prijs. Free quotation. Tel: 561-2137

TA CHAPI
Corta mata. Ta tira sushi afo. Nos ta hardineria completo na super bon prijs. Tel: 569-8003

HERO BIEU
Auto bieu den cura? Nos ta pikje pornada. Frigidaire, wasmachine, dryer, stoof, airco, bateria. Yama 561-4297 of 561-5179. Arubiano balente.

TA OFRECE
Señora pa haci cas limpi, strica, cuida hende grandi. Tel: 567-0479

ASSOCIATED REALTORS
TA BENDE
Un cas espacioso di 5 camber y 2 baño na Huronstraat/ San Nicolas, construi 285 m², tereno 486 m² y pa Afl.430.000,00. Yama Mito na 593-6318

ASSOCIATED REALTORS
TA BENDE
Un cas bao construccin te na ringbalk di 3 camber y 3 baño, tereno propiedad di 553 m² na Tamarijn y pa Afl.370.000,00 Yama Mito na 593-6318.

DIARIO
Pa noticia, cumpleaños, comentario, redaccion: noticia@diario.aw
Tel: 582-6747

anochi.

Nos ta den temporada di Cuaresma, tempo di oracion, ayuno y abstinencia. Nos por reflexiona tocante nos relacion cu Dios y nos prohimo, con nos por mehora esaki. Sigui den pasonan di Hesus pa stima otro. Haci hopi oracion pa nos sernan keru y pa nos mes

y asina prepara nos mes pa bida eterno.

Ayuno y abstinencia ta pa nenga algo pa nos mes y duna otronan cu ta den necesidad.

Haci sacrificio, bon obra, comparti cu otro e palabranan di Dios.

Cada persona por presenta su intencion personal durante e Rosario

Monton di producto caduca haya den supermarketnan na Suriname

PARAMARIBO: Durante un accion di control teni den Avobakaweg na pueblo di Brokopondo na Suriname, oficialnan gubernamental cu a bay haci control na tres Supermarket, a keda sorprendi pa con hopi mercancía cu fecha caduca nan a bin topa cune.

Tin algun producto riba reki cu ya desde aña 2023 a caduca. Aindanan tabata poni na benta cu publico. Mesora e comision a confisca esakinan.

Debi na violacion di e reglanan aki, e comision di Gobierno a revoca e permiso di trabao di e tres Supermarketnan aki, y a pone e caso den man di polis. Polis a yuda cera e Supermarketnan aki.

Despues di esey den presencia di e doñonan, nan a destrui tur cumin-da den bleki, lechi polvo pa baby, juice, specerij, etc., cu ya a cduca.

Polis awor hunto cu Districtscommissaris ta adverti demas comerciantenan pa nan haci control mas estricto riba productonan cu nan tin den tienda, pa mira si nan a caduca of no. Awendia hopi software di Supermarket, tin opcion pa bo agrega e fecha di caduca den computer, y esaki mes ta recordabo riba e fecha cu nan ta caduca despues, pa abo kita nan for di reki.

Comision a muestra riba e peligro pa salud di hende si nan sigui bende productonan cu a caduca.

Fortaleza di Famia

Diaranson 12 Maart 2025

Asociacion cu maldad y inmoralidad ta destructivo

Skirbi pa: Pastor Marcel Balootje

No laga ningun palabra dañino sali for di boso boca, sino palabra cu ta bon pa edificacion, conforme e necesidad di e momento, pa esaki por duna gracia na esnan cu ta tende.

Y no haci e Spirito santo di Dios tristo, pa medio di Kende boso a wordo seya pa e dia di redencion.

Laga tur amargura, furia, rabia, griteria, y calumnia, wordo kita for di boso, hunto cu tur malicia. Y sea cariñoso cu otro, misericordioso, pordonando otro, mescos cu Dios den Cristo a pordona boso. (Efesionan 4:29-32).

No ta pornada e palabra di Dios ta adverti nos, pasobra asociacion cu maldad, of mihor bisa malignidad ta corumpi curason y relacion di tur hende.

Wak cuanto famia tin kibra y cuanto ta na rand di cay den otro, cuanto tipo di violencia tin awendia, domestico, relacional, hubenil, etc., pasobra enbes di busca cos bon pa haci, hende ta doctrina nan mes den maldad, inmoralidad, bruheria, perversidad, y tur otro clase di bagamunderia.

Ta parce manera e temor di Dios a wordo pone un banda, y hende ta comporta nan mes manera animal, desviando totalmente for di locual Dios ta manda nos tur haci, cual stima nos prohimo manera mos mes.

E diabel e colebra bieu y stinki, tin hopi hende den su gara, pasobra nan no kier tende e palabra di Dios y aplik'e den nan bida, nan ta prefera biba bao di opinion di hende cu scucha locual Dios ta bisa.

E palabra di Dios, ta splica den tur luho y detaye kico lo pasa cu esnan cu no ta hanja necesario pa reconoce Dios, y con Dios lo atende cu nan. (Romanonan 1:28-32).

E palabra di Dios ta bolbe ripiti den Galationan 5:19-21 cu esnan cu ta participa den e obranan di carni bisando bon cla esnan cu ta practica e sorto di cosnan aki lo no hereda e reino di Dios. Awor pa esnan cu no tin respet, cu no kier somete, cu ta rechasa e palabra di Dios, cualkier coreccion a bira huzgamento, pasobra door cu maldad casi ta legalisa den nan mente y curason, nan ta pensa cu malicia, inmoralidad, y falta di respet, mester wordo accepta tur caminda.

Pero cual ehempel mayornan por duna na nan yiunan, ora nan mes ta cana dobla, for di orden, den inmoralidad, perversidad y adulterio, haciendo cosnan cu no ta cumbini, enbes di ta un bon testimonio di guia y respet, nan mes ta e fuente di tur discusion.

Con un mayor cu diariamente ta bisti sunu, por coregi un yiu den bistimento, con un mayor cu tur dia ta burachi y droga por coregi su yiu, pa e lanta serio, decente y cu un bon caracter.

Con por tin pas den cas caminda palabra malo, insulto, y menasa ta e tono di mas halto cu bo ta tende den e cas.

No ta pornada ta para skirbi; Y E a bisa: Loke ta sali for di hende esey ta contamina hende. Pasobra for di paden, for di curason di hende, ta sali mal pensamiento, fornicacion, ladronia, matamento, tambe engaño, sensualidad, envidia, calumnia, orguyo y bobedad, tur e maldad aki ta sali for di paden y ta contamina hende. (Marco 7:20-23).

Esun cu ta anda cu hende sabi, lo ta sabi, ma un compañero di hende bobo lo sufrí daño. (Proverbionan 13:20).

Pa encuanto boso manera di biba di antes, boso pone un banda e hende bieu, cu ta wordo corumpi, conforme e pasionnan engañoso, pa boso wordo renoba den e spirito di boso mente. (Efesionan 4:22-23)

No laga ningun hende gaña boso: Mal compania ta dañá bon custumber. (1 Corintionan 15:33)

*Den Señor mi por pone mi confiansa.
Dios, wardami, mi ta busca refugio serca Bo;
Mi ta bisa Señor: "Bo ta mi Señor,
Mi felicidad!
No tin nada riba bo!
Salmo 16*

Cu dolor na nos curason pero conforme cu
boluntad di Dios, nos ta
anuncia fayecimento di
nos Ruman, Prima y
Amiga stima:

Elida Paulo

***30 April 1952**

†28 Februari 2025



Na number di su:

Mama y Tata :

†Viergina Paulo & †Robeste Pierre- Louis

Rumannan:

Aurel Athus

Alfred Pierre - Louis

Roselaine Pierre- Louis

Subrina:

Dominique Desir

Louisa Suprey

Midjery Suprey

Subrino:

Ponchon Desir

Frantzcy Suprey

Betching Breel

Godchild:

Samy Noise

Famianan:

Naïka Guillaume

Darline Guillaume

Dashna Guillaume

Sra. Aspil Guillaume

James Guillaume

Miderline

Amiga/onan:

Diella, Angella, Gina, Past. Carlo Noise,

Enette, Marie Danielle Baron, Witchelle, Sra.

Andre, Enny, Grenda, Claudette, Micheline,

Sra. Roland, Odette.

**Ta invita tur famia, bisinanan, amiga(o)nan
y conocirnan pa asisti na e acto di Entiero
cual lo tuma lugar Diadomingo, 16 di Maart
2025, for di 2'or pa 4'or di atardi na Seven
Day Adventist Church San Nicolas.**

**Despues nos lo sali cu nos defunto stima pa
Santana Central na Sabana Basora.**

**Oportunidad pa Condolencia lo tuma lugar
Diasabra, 15 di Maart 2025 di 7'or pa 9'or
di anochi na Ad Patres Funeral Home &
Crematorium na San Nicolas.**

Nos ta pidi nos disculpa si den nos momento di
tristes nos por a lubida un of otro famia.

**Staffy personal di Ad Patres Funeral Home
& Crematorium ta extende nos mas profundo
condolencia na famia di e fayecida.**



AD PATRES
funeral home

Van Rensselaerstraat 2
584-2299 / 737-2299
adpatres@qualityservice.com
Family owned and operated

Aduana ta cera riba Dia di Himno y Bandera y dia colectivo di ATV

ORANJESTAD(AAN):
Departamento di Adua-
na ta informa cu su ofi-
cinanan lo ta cera riba
dialuna 17 di maart en
conexion cu dia colec-
tivo di ATV y diamars
18 di maart 2025 en

conexion cu celebra-
cion di Dia di Himno y
Bandera.

Tur servicio pa cliente
y publico en general lo
reanuda diaranson 19 di
maart desde 7.30'or di
mainta.

Departamento di Ad-
uana ta pidi publico pa
tuma nota di e informa-
cion comparti y ta desea
comunidad di Aruba un
feliz Dia di Himno y
Bandera 2025

Laundry na candela den hotel na Bonaire

KRALENDIJK: Tabata
banda di 11'or di ano-
chi, cu Central di Polis
na Bonaire a ricibi no-
tificacion cu tin candela
na un Laundry na un
acomodacion turistico
na Punt Vierkant.

Tanto Polis y tambe

Cuerpo di Bombero a
bay eyan, y na yegada
a bin nota cu ta un dryer
di paña den e laundry ta-
bata na candela. E per-
sona cu a bati alarma,
a declara cu a descubri
e candela na momento
cu e alarma di candela

a cende. No tabatin
herido.

Bomberonan a paga e
candela. Mayoria dryer
di paña bo tin di limpia
e filter di lint semper
cada biaha cu bo bay
seca paña den dje.

Boto di piscado a bolter na costa pariba di Bonaire

KRALENDIJK: Ta-
bata banda di 12:30'or
di merdia, cu Central
di Polis na Bonaire a
wordo notifica cu un
Boto a pega na e costa

pariba di Lac, na altura
di e lugar conoci como
'Suplado'.

Ora cu Polis a yega
eyan, e piscado a de-
clara cu el a sali mainta

trempan bay pisca, pero
e motor di boto a dañá
cune. E motor a paga y
no kier a start mas. Pues
e boto a keda drief y na
merced di olanan bruto.

Diripiente un ola gran-
di a bin dal contra dje, y
a bolter e boto. Den e
impacto aki, e piscado a
bay awa. Como cu e no
tin ni celular y tampoco
marine-radio cune, e
mester a warda te ora
otro boto a pasa pa por
a pidi ayudo.

Polis a pidi Ambulance
bay eyan pa duna e
piscado asistencia med-
ico pa e heridanan leve
cu el a ricibi. Despues a
lastra e boto for di costa
bay cune.



FUNDACION VENERABLE
JOSE GREGORIO HERNANDEZ
TANKI LEENDERT 128



Ta invita

Nos devotonan contruibuidor y pueblo
di Aruba en general pa asisti na un
Caminda di cruz.

DIA NAN 12 Y 19 di Maart 2024
ORA 7.OR DI ANOCHI
LUGAR SITIO DI ORACION
TANKI LEENDERT 128

MANERA CUSTUMBER DI NOS DEN CUARESMA
NOS TA PIDI BO JUDA NOS CU BO
CONTRIBUICION (CUMINDA) PA JUDA UN
OTRO CU TA DEN NECESIDAD.
DANKI Y HOPI BENDICION

80TH ANNIVERSARY SALE



SAVE AWG. 1640

JOHNELLE
7PC DINING SET

NOW
AWG. 2299

AWG. 397 MTHLY

WAS AWG. 3939

Love it? We'll help you finance it WITH 3 TO 36 MONTHS FLEXIBLE FINANCING OPTIONS AVAILABLE

SAVE AWG. 500



NORLOU SOFA

NOW AWG. 1249

AWG. 188 MTHLY | WAS AWG. 1749

SAVE AWG. 380



GREAVES SOFA CHAISE

NOW AWG. 1599

AWG. 215 MTHLY | WAS AWG. 2039

SAVE AWG. 670



LYNCOTT 5PC DINING SET

NOW AWG. 1499

AWG. 217 MTHLY | WAS AWG. 2169

SAVE AWG. 1210



LAVINTON
3PC
BEDROOM SET

NOW
AWG. 2797

AWG. 452 MTHLY
WAS AWG. 4007

INCLUDES:
KING POSTER
BEDFRAME,
NIGHTSTAND &
5-DRAWER CHEST

SAVE AWG. 1562



GALLIDEN
3PC
BEDROOM SET

NOW
AWG. 5595

AWG. 753 MTHLY
WAS AWG. 7157

INCLUDES:
QUEEN BED FRAME
ONE NIGHTSTAND
DRESSER & MIRROR

VISIT US MONDAY TO SATURDAY: 9AM - 6PM AT:
AMC UNICON MEGASTORE
L.G. SMITH BLVD, 144 ORANJESTAD

Telephone:
521-1180
f @

Offer ends
March 31st, 2025.
Special conditions apply.

 **Ashley**
FURNITURE HOMESTORE